山庫全幸

史部

欽定四庫全書史部

歴代名臣奏議卷一百十九

詳校官檢討臣朱依灵

編修長機覆勘

總校官編修臣王燕緒 校對官中書臣王 曆録監生臣黄奕遐 瓄

ろいりしという 始用力 連貫を変して できる **经营业的** 言禮 語學 世無 歷代名臣奏講 六大夫四十二夫 楊士奇等 公從之於是初獻六 馬華公問羽 撰

養人也刑罰之過或至死傷今之刑非尋陶之法也而 聲盛揖攘之容讓字以風化天下如此而不治者未之 祥劉向因是說上宜興辟雅設库序與禮樂隆雅頌之 有也或曰不能具禮禮以養人為本如有過差是過而 漢成帝時犍為郡於水濱得古磬十六枚議者以為善 有司請定法削則削筆則筆簡廣也筆者謂有所增益 敢於養人也為其俎豆筦紋之間小不備因是絕而下 書地救時務也至於禮樂則曰不敢是敢於殺人

金分正居石里

卷一百十八

禮樂而民和睦初叔孫通將制定禮儀見非於齊魯之 陷大碎受刑戮者不絕緣不習五常之道也夫承干 恃以為治也刑法所以助治也今廢所恃而獨立其所 之比於刑法刑法輕是舎所重而急所輕也且教化所 為是去小不備而就大不備大不備或莫甚馬夫教化 理不示以大化而獨歐以刑罰終已不改故曰導之以 之衰周繼暴秦之餘敝民漸清惡俗貪饕險說不開義 助非所以致太平也自京師有詩逆不順之子孫至於 7.50 7.2.5 歷七名臣奏議

一多 好四月全書 官曰太子樂詩曲操以俟君子拜充侍中 對回河圖括地象回有漢世禮樂文雅出尚書玩幾鈴 曰有帝漢出德治作樂名子帝善之詔曰今且改大樂 不相襲禮大漢自制禮以示百世帝問制禮樂云何充 之事而禮樂崩闕不可為後嗣法五帝不相治樂三王 東漢明帝即位博士曹充上言曰漢再受命仍有封禪 公卿議 士然卒為漢儒宗業垂後嗣斯成法也成帝以向言下 一百十八

以為一世大典非褒所定不可許帝知羣係拘孽難與 餘禮壞樂崩且因循故事未可觀省有知其說者各盡 圖始朝廷禮憲宜時刊立明年復下詔其畧曰漢遭秦 者聖人受命而王莫不制禮作樂以著功德功成作樂 章帝時曹褒徴拜博士會帝欲制定禮樂褒上疏曰告 也今皇天降社嘉瑞並臻制作之符甚於言語宜定文 化定制禮所以救世俗致禎祥為萬姓獲福於皇天者 制著成漢禮丕顯祖宗盛德之美章下太常太常巢堪 į F 5 5 5 116 7

者禮樂之謂也先王之道禮樂可謂盛矣孔子謂子夏 侍中 罰不中刑罰不中則民無所居其手足臣以為漢當制 曰禮以修外樂以制內丘已矣夫又曰禮樂不與則刑 本在禮樂五經同歸而禮樂之用九急孔子曰安上 和帝永元九年司空張奮上疏曰聖人所美政道至要 所能褒省詔遂復上疏具陳禮樂之本制改之意拜褒 民莫善於禮移風易俗莫善於樂又曰揖讓而化天 治

2000 ALLS 文武之道非自為制誠無所疑久執謙謙今大漢之業 定昔者孝武皇帝光武皇帝封禪告成而禮樂不定事 制禮功成作樂謹係禮樂異議三事願下有司以時考 作禮樂是以先帝理德數下詔書愍傷崩缺而衆儒不 不相副先帝詔曹褒今陛下但奉而承之猶周公斟酌 拜太常復上疏曰漢當改作禮樂圖書著明王者化定 寝食臣犬馬齒盡誠其先死見禮樂之定十三年更名 连議多駁異臣累世台輔而大典未定私竊為憂不忘 歷代名臣奏議

多次四月在書 **改蟻聚湘川比歲征行百姓疲弊故使義衆奉迎未舉** 海過客八音禮云凶年天子徹樂减膳孝懷皇帝梓宫 未反豺狼當塗人神同忽公明徳茂親社稷是賴今杜 晉愍帝建與初正旦作樂熊遠諫曰謹按尚書堯崩四 是觀禮公與國同體憂容未歌告齊桓貫澤之會有憂 優端元日正始之初貢士麟萃南北雲集有識之士於 不以時成非所以章顯祖宗功德建太平之基為後世 卷一百十八

鐘鼓其餘伎樂畫不作侍中張澄給事黃門侍郎陳逵 あら 欠にり自己的 成帝咸康七年尚書蔡謨奏八年正會儀注唯作鼓吹 韶雅頌之美非納軌物有塵大教謂宜設饌以賜羣 道德之軌闡忠孝之儀明仁義之統弘禮樂之本使 方之士退懷嘉則今榮耳目之觀崇戲弄之好懼違雲 心所歸惟道與義將紹呈綱於既往恢霸業於來今表 國之心不召而至者數國及葵丘自矜叛者九國 歷代名臣奏議 3

於朝然價吊顯於園陵則未減有哀禮服定於典文義 大不足復關鐘鼓鼓吹也澄遠又啓今大禮雖降事吉 從權宜三正之享宜盡用吉禮也至娱耳目之樂所不 樂不分體國經制莫大於此詔曰今既以天下體大禮 **駁以為王者觀時設教至於吉凶殊斷不易之道也今** 無盡古是以咸寧之會有徽樂之典實先朝稽古憲章 忍聞故闕之耳事之大者不過上壽酒稱萬歲已許其 四方觀禮陵有償弔之位庭奏官懸之樂二禮無用哀

金分四月月

卷一百十八

末世之伎設禮外之觀逆行連倒頭足入答之屬皮膚 備矣故通神至化有率舞之感移風易俗致和樂之極 聲正方而好義角聲堅齊而率禮弦歌鐘鼓金石之作 上享宗廟下訓黎元體五行之正音協八風以陶物宫 臻表曰臣聞聖王制樂讚揚政道養以仁義防其淫佚 於事義不亦闕乎惟可量輕重以制事中散騎侍郎顧 之奏遂闕起居之節朝無磬制之音賓無蹈履之度其 タへここり う へいう 垂式萬世者也詔曰若元日大享萬國朝宗庭廢鐘鼓 歷七名臣奏議

馆加四海朝覲言觀帝庭耳聆雅頌之聲目觀威儀之 著于來葉此乃所以無及皇天克昌厥後者也諸伎而 日廪五斗方掃神州經界中旬若此之事不可示遠官 序足以蹋天頭以優地反天地之至順傷藝倫之大方 外剝肝心內推敦被行葦猶謂勿踐矧伊生靈而不惻 今夷秋對岸外禦為急兵食七升忘身赴難過秦之戲 -太常纂備雅樂簫韶九成惟新於威運功德頌聲永 人者皆宜除之流簡儉之德邁康哉之詠清風既行 卷一百十八 タンこう 豆 ハニショー 典章作成池以諸萬類顯皇軌於云岱揚鴻化於介丘 善於禮移風易俗莫善於樂且於一民一俗尚須崇而 後魏文成帝和平六年特進征南将軍刁雍上表曰臣 令木石革心爲獸率舞包天地之情達神明之徳夫感 間有國有家者莫不以禮樂為先故樂記云禮所以制 用之况統御八方陶鈞六合者哉故帝堯修五禮以明 外樂所以修內和氣中釋恭敬溫文是以安上治民莫 上應如草此之謂也愚管之誠惟垂採察 亞代名臣奏議

起及周之末王政陵遲仲尼傷禮樂之崩亡痛文武之 違揖讓而治天下者禮樂之謂數惟聖人知禮樂之不 和肅肅者禮之情和者樂之致樂至則無怨禮至則不 同節和故百物早生節故報天祭地禮行於郊則上下 人之情故王者治定制禮功成作樂虞夏殷周易代而 天動神莫近於禮樂故大樂與天地同和大禮與天地 將陸自衛返會各得其中逮手秦皇前棄道術灰滅曲 可以已故作樂以應天制禮以配地所以承天之道治

金分四尼石量

卷一百十八

淡定四事全書 一 關於唐辰象舞替於周日夫君舉必書古之典也朱望 古禮粗欲周備至於孝章每以三代損益優多殊軌數 以御世方鳴和驚以形成宗陪羣后以昇中岳而三禮 作之意乃上疏求定諸儀以為漢禮終於休廢寢而不 籍坑燼儒士盲天下之目絕象魏之章簫韶來儀不可 行及魏晉之日修而不備伏惟陛下無為以恭已使賢 其薄德無以易民視聽博士曹褒親斯詔也知上有制 復矣賴大漢之與改正朔易服色協音樂制禮儀正聲 歷代名臣奏議

唐太宗時以慶善樂為文舞破陣樂為武舞話魏後及 大聖之治記令公卿集議 功偕故也臣識昧儒先管窺不遠謂宜修禮正樂以光 虞世南猪亮李百樂等為之詞太宗謂侍臣曰昔周公 淫五帝殊時不相沿三王異世不相襲事與時並名與 王政有缺致也臣聞樂由禮所以象德禮由樂所以防 無其樂史闕封石之文工絕清頌之享良由禮樂不與 之禮帝王盛事臣今以為有其時而無其禮有其德而 巻一百十八 |政定四車全書 | 我作古萬代取法豈止子孫而已 自開闢已來未有如陛下者也更創新樂無修大禮自 後法不法猶在朕耳後對曰陛下撥亂反正功高百王 古何慮不法若遂無德於物後代何所遵承以此而言 既平定天下安堵海内若德惠不倦有始善終自我作 功於人者作事施令有即為法所貴不忘其德者也朕 相成王製禮作樂久之乃成逮朕即位數年之間成此 二樂五禮又復刊定未知堪為後代法否朕觀前王有 歷代名臣奏議

伎及散樂自宣政門入太常博士表利貞上疏曰正寢 今分二朋通相誇競非所以崇禮義勸敦睦也上 諫曰二王春秋尚少志趣未定當推梨讓栗相親如 高宗上元元年大輔上御翔鸞閣觀之分音樂為東西 開耀元年以立太子宴百官及命婦於宣政殿引九部 朋使雍王賢主東朋周王顯主西朋角勝為樂都處俊 命婦宴會之地路門非倡優進御之所請命婦會於 卿遠識非眾人所及也處止之 一里然

アン・こつ・シュ ここら 之實竊見鄉飲酒禮頒於天下比來惟有貢舉之日暑 化理清平由此言之不在刑法聖朝制禮作樂雖行之 者返古還朴上奉君親下安鄉族若皆和氣浹洽自然 樂化導也州牧縣宰所守者宜揚禮樂典書經籍所教 玄宗開元中裴耀卿請行禮樂化尊三事表曰三者禮 麟徳殿賜利貞常百匹 別殿九部伎自東西門入而停散樂上乃更命置宴於 自久而外州遠郡俗習未知徒聞禮樂之名不知禮樂 歷代名臣奏議

識於太常調習雅聲仍請笙等琴瑟之類各三兩事令 樂器大樂久備和聲伏望今天下三五十大州簡有性 孝子養親及羣物遂性之義或有泣者則知人心有感 一與百姓勸導行禮奏樂歌至白華華泰由庚等章言 用其儀間里之間未通其事臣在州日率當州所管縣 以示風俗又以州縣之學本以勸人禄在其中聞於學 比州轉次造習每年各備禮儀准令式行禮稍加勸獎 不可盡經但臣州久絕雅聲不識古樂伏計太常具有

多定四库全書

卷一百十八

とこりをから 伏望詳擇其宜微加勤革 伐檀四曰文王皆古聲辭太和中左延年改變騶虞伐 碩云昔杜變傳舊雅樂四曲一曰鹿鳴二曰騶虞三曰 德宗時杜佑上三朝行禮樂制議曰晉司律中郎将陳 遠郡送鄉貢之時多有不願來集恐成顏弊不可因循 國子每年薦舉握第過百人已上雖有司明試務在擇 才而學校衰微居然可驗州縣補學生之日皆不願為 歷代名臣奏議

也今計天下州縣所置學生不減五六萬人及諸色并

第三曰洋洋篇詠明帝亦用左延年所改文王聲第四 常作者也後有三篇第一曰於赫篇該武帝聲律與古 今不改易也魏代正朝大會太尉奉羣后行禮東府雅 檀文王三曲更作聲節其名雖存而聲實異惟變鹿鳴 鳴所以嘉寡君也敢不拜嘉毛詩云鹿鳴熊羣臣嘉賓 鳴按左傳移权如晉晉侯享之工歌鹿鳴之三三拜鹿 復用鹿鳴之聲重用而除古伐檀及晉初食舉亦用鹿 鹿鳴同第二曰魏魏篇詠文帝用左延年所改騶虞聲 巻一百十八 次足可事全等一 嘉賓得盡其心也詩傳並無行禮及叔孫通所制漢儀 復無別行禮事首氏云魏氏行禮食舉再取周詩鹿鳴 別設一樂謂之行禮那首讓鹿鳴之失似悟告認還制 歌詩十二篇化肇羣后奉壁趨步拜起莫非行禮豈容 鹿鳴舊歌更作行禮詩四篇先陳三朝朝祭之義食舉 也既飲食之又實其幣常筐篚以将其厚意然後忠臣 四篇復襲前軌 又以宴嘉賓無取於朝考之舊聞未知所應首弱乃除 歷代名臣奏議

之樂和其節以雅頌之詩導其情自秦承周衰漢彌 校之間俾人徧知冀人易識蓋其禮甚辨其儀甚詳有 遠方之俗有終身不得聞之者於是制鄉飲之禮行鄉 於朝廷遠方之民有終身不得觀之者六樂奏於宗廟 建大業得大位制禮以經邦國作樂以和神人五禮行 一宋太宗時鄉貢進士田錫請復鄉飲禮書曰臣聞聖人 老者為賓揖讓拜起皆有儀升降進退必有位以金石 獻祭之儀有俎豆之數命鄉人之賢者為主延鄉人之 老一百十八

成俾長吏以化黎元至開元中宣州刺史裴耀卿以為 一孝子養親之道述萬物遂性之旨觀者皆踴躍聽者有 吏每聞歌白華之什華泰之詩南陔之篇由庚之頌言 儉而行禮月而習之歲而行之于是宣州者老宣庭僚 化俗之心宜良吏知禮之大於是拜章奏以上言自恭 鄉飲之儀惟於貢士之日畧得舉用其餘寢停宣聖王 復之西晉之後又廢至皇唐用之明者禮文散頒郡國 亂不能行之至後漢世祖行之世祖之後復廢至西晉

於定四軍全書

歷代名臣奏議

感泣蓋禮樂之感於外而精神之發於中也在唐之世 而行之以六代之樂而明之所謂禮樂刑伐自天子出 追封冊冠昏之禮軍旅賓客之容陛下皆舉百王之禮 同節大樂與天地同和禋天地祭宗廟祠山川正齒胄 後人行之不得其道用之不知其微國家大禮與天地 移其風以是知先王之禮不徒行先王之樂不徒用但 唯耀柳能於一郡之間獨奉先王之禮樂猶化其俗尚 為唐之牧守唐之世祚垂三百載唐之牧守凡幾千人

天足可事全書 一 降進退之容則知折旋俯仰之可習矣聞白華南陵之 恭矣別揖讓拜起之式則知識恭撙節之可學矣見升 為主則知懋德者可尊矣視者者為實則知高年者可 知不忘報本矣觀頻藻之祀則知所貴者誠矣見賢者 行新政領鄉飲之禮修鄉飲之儀使其觀祭獻之嚴則 既備而遠方之俗有未親聞之者願陛下申明舊典舉 朝廷之禮既崇而遠方之民有未親見之者朝廷之樂 矧國家括地三百州拓土一萬里年穀屢豐民氣太和 歷代名臣奏議

禁而無過差可禁矣若是則為父者以慈而為教也為 然哉蓋性相近也習相遠也不覺自生於知恥之性既 慢化為柔和很戾遷為貞順革惡歸善流邪復正其何 子者以孝而自守也為兄者以友愛而自得也為弟者 詩則知孝於父母矣聽雅音正聲之奏則悅於和樂矣 以恭謹而自忧也為夫者以和而有其室家也為婦者 無過又知恥國家雖設刑而無淫應可刑矣朝廷雖設 月而習之歲而行之稔於禮而自熟清於道而彌深計

次定四華全書 一 其俗適其時而明之况貞觀之風開元之化左顧不遠 是知三代絕迹干古曠禮猶可繕完補養損益裁酌沿 也難驟化之則裴耀卿何以化之宣州之民何以順之 致之諸侯折節於禮樂而奉之若以為古之禮也不可 而能復之太宗革隋季之淫而能用之若以為俗之簿 以柔而事於舅姑也一家率之一鄉慕之一邑化之 復行則世祖承盗莽之後而能行之晉氏承元魏之亂 郡祭之一國與之天下同之得非王者属精於禮樂而 歷代名臣奏議

以和之以升降之度而化之以揖讓之容以尊之以尊 虐自七蓋禮樂之進物也速而謙讓之服人也深况欲 護功而藥壓知麼夫金石至和非有樂於爲獸而鳥獸 以賓主之禮以明之以獻祭之儀而示之以金石之樂 不以化虞芮而爭訟自息晉卿之讓不以矯樂隱而太 自舞草木無情非必應於律吕而律吕能通西伯之仁 舞熊谷吹律而草木遂朔文王行禮而虞芮懷慙范宣 右時可及舞章不泯今式斯在昔舜庭奏樂而鳥獸率 海内幸甚惟陛下裁之臣不勝慢慢思理之誠謹昧死 賢之序以命之以養老之道以喻之人之心物之性得 而感之者不獨宣州有之也天下當盡然也天下幸甚 比屋可封之俗不獨堯帝之時也聖代當復見矣聞樂 知教行之三載則民知禮行之而不報用之而能久則 化民尊俗夫如是之速也願陛下詢公卿而復之望陛 下勃牧守而行之行之春年則民知恥行之再歲則民 不優而柔之而自趨之感而慕之而自化之鄉飲之禮

久三·日馬上至

歷代名臣奏議

寧宗時朱熹乞修三禮割子曰臣聞之六經之道同歸 吹音樂並請振作 無與况春秋之義不以家事辭王事其還京日法駕鼓 家之私事今大駕凱旋軍容宜肅昔武王伐紂在諒闇 徹 鹵簿鼓吹禮官議曰班師振旅國之大事后之忌日 真宗景德元年北征凱旋京師是日以懿德皇后忌詔 金分四月月月 奉書以聞 猶前歌後舞夫該間是重遠忌是輕以此而論舉樂 卷一百十八

欠正日野上日 供應舉至於其間亦有因儀法度數之實而立文者則 遺本宗末其失己甚而博士諸生又不過誦其虚文以 安石變亂舊制廢罷儀禮而獨存禮記之科棄經任傳 科禮雖不行而士猶得以誦習而知其說熙寧以來王 性冠義等篇乃其義說耳前此猶有三禮通禮學完諸 一補緝竟無全書其頗存者三禮而已周官一書固為禮 而禮樂之用為急遭秦滅學禮樂先壞漢晉以來諸儒)綱領至其儀法度數則儀禮乃其本經而禮記郊特 歴代名臣奏議

金分四屋有電 諸經史雜書所載有及於禮者皆以附於本經之下具 曾與一二學者考訂其說欲以儀禮為經而取禮記及 寫久之未成會蒙除用學徒分散遂不能就而鍾律之 大夫莫有知其說者而不知其為闕也故臣項在山林 成幽冥而莫知其源一有大議率用耳學臆斷而已若 列注疏諸儒之說畧有端緒而私家無書檢閱無人 乃樂之為教則又絕無師授律尺短長聲音清濁學上 則士友間亦有得其遺意者竊欲更加參考別為 卷一 百十八

書以補六藝之闕而亦未能具也欲望理明特詔有司 雖有官人亦不繫街請俸但乞逐月量支銭米以給飲 學徒十餘人踏逐空閒官屋數問與之居處令其編類 許臣就秘書省太常寺關借禮樂諸書自行拾致舊日 食紙礼油燭之費其抄寫人即乞下臨安府差撥貼司 甚費用而可以與起廢墜垂之永久使士知實學異時 可為理朝制作之助則斯文幸甚天下幸甚 一十餘名候結局日量支犒賞別無推思則於公家無 きららるべる

|欽定匹庫全書 故昭今徳以示子孫是以清廟茅屋大路越席太養不 伯諫曰君人者將昭德塞違以臨照百官補懼或失之 旅旗昭其明也夫德儉而有度登降有數文物以紀之 其文也五色比象昭其物也錫鷺和鈴昭其聲也三辰 魯桓公二年夏取部大鼎于宋納于太廟非禮也藏哀 昭其度也藻率輕軽聲属游纓昭其數也火龍黼散昭 致深盛不鑿昭其儉也家冕散廷帯裳幅舄衛統統經 右統言禮樂 老一百十八

聲明以發之以臨照百官百官於是乎戒懼而不敢易 莊公二十四年秋衰姜至公使宗婦親用幣非禮也御 義士猶或非之而况將昭違亂之賂器於太廟其若之 路章也都躲在廟章孰甚馬武王克商遷九鼎于雜品 官象之其又何誅馬國家之敗由官邪也官之失德寵 紀律今滅德立違而真其賂器於太廟以明示百官百 不忘諫之以徳 何公不聽周內史聞之曰臧孫達其有後於魯乎君違 歷七百五奏湯

晏子曰敢問何謂也公曰吾以為在德對曰如君之言 之大節也而由夫人亂之無乃不可手 其取之公也薄其施之民也厚公厚斂馬陳氏厚施馬 齊景公與晏子坐于路寝公數曰美哉室其誰有此乎 栗棗脩以告度也今男女同勢是無别也男女之别國 孫曰男勢大者玉帛小者禽鳥以章物也女勢不過樣 民歸之矣詩曰雖無德與女式歌且舞陳氏之施民歌 其陳氏平陳氏雖無大德而有施於民豆區金鍾之數 巻一百十八 沙定四事全書 一 歷代名臣奏議 夫和而義妻柔而正姑慈而從婦聽而婉禮之善物也 臣共而不貳父慈而教子孝而箴兄愛而友弟敬而順 子孝兄爱弟敬夫和妻柔姑慈婦聽禮也君令而不達 對日禮之可以為國也久矣與天地並君今臣共父慈 利公曰善哉我不能矣吾今而後知禮之可以為國也 民不遷農不移工費不變士不濫官不滔大夫不收公 善哉是可若何對日惟禮可以已之在禮家施不及國 舞之矣後世若少情陳氏而不亡則國其國也已公曰

誓成有歧陽之蒐康有酆官之朝穆有途山之會齊桓 孫僑在諸侯之良也君其選馬王曰吾用齊桓宋太子 有召陵之師晉文有践上之盟君其何用宋向戊鄭公 也夏啓有釣臺之享商湯有景毫之命周武有孟津之 禮以為歸今君始得諸侯其慎禮矣霸之濟否在此會 楚靈王合諸侯于申椒舉言於楚子曰臣聞諸侯無歸 於天地以其為民也是以先王上之 公曰善哉寡人今而後聞此禮之上也對曰先王所禀 友に日年上午 兵之用念簡襄之迹計胡狄之利王曰嗣立不忘先德 趙武靈王平書問居肥義侍坐曰王慮世事之變權甲 諸侯所由棄命也今君以汰無乃不濟乎王弗聽 叛之周幽為太室之盟戎狄叛之皆所以示諸侯汰也 用命也夏桀為仍之會有緣叛之商紂為黎之蒐東夷 舉曰夫六王二公之事皆所以示諸侯禮也諸侯所由 見徐子吳出也以為貳馬故執諸申楚子示諸侯侈椒 佐後至椒舉請辭馬曰屬有宗祧之事於武城敢謝後 歴代名臣奏議

被庶人之恐今吾將胡服騎射以教百姓而世以議寡 金グビアノファー 人矣肥義曰臣聞之疑事無功疑事無名今王即定負 熟夫有高世之功者必負遺俗之累有獨智之**慮者**必 弟長辭讓之節通有補民益主之業此兩者君臣之分 也今吾欲繼襄王之業啓胡狄之鄉而卒世不見也敵 有道民便事之教動有明古先世之功為人臣者窮有 君之道也錯質務明主之長臣之論也是以賢君靜而 弱者用力小而功多可以無盡百姓之勞而享往古之 卷一百十八

中山我必有之王遂胡服使王孫綜告公子成曰寡人 天下笑之狂夫之樂智者哀馬愚者之笑賢者戚馬世 者見於未萌王其遂行之王曰寡人非疑胡服也吾恐 養欲而樂志也欲以論德而要功也愚者暗於成事智 成大功者不謀於衆昔舜舞有苗而禹袒入裸國非以 胡服且將以朝亦欲叔之服也家聽於親國聽於君古 有順我者則胡服之攻未可知也雖歐世以笑我胡地 金七乙豆長美

遺俗之慮殆無顧天下之議矣夫論至德者不和於俗

逆從政之經以輔公叔之議且寡人聞之事利國者行 今之公行也子不反親臣不逆主先王之通誼也今宴 所出功有所止事成功立然後德可見也今寡人恐叔 而利民為本從政有經而今行為上故明德在於論賤 服之功使綜謁之叔請服馬公子成再拜曰臣固聞王 無邪因貴戚者名不累故寡人願慕公叔之義以成胡 行政在於信貴令胡服之意非以養欲而樂志也事有 人作教胡服而叔不服吾恐天下議之也夫制國有常 老一百十八

金定四庫全書

ラスス フラー ここう 之曰服者所以便用也禮者所以便事也是以聖人觀 使者報王王曰吾故聞叔之病也即之公叔成家自請 書禮樂之所用也異敏技藝之所試也遠方之所觀赴 臣固敢竭其愚忠臣聞之中國者聰明睿知之所居也 之胡服也不佞寢疾不能趙走是以不先進王今命之 教易古之道逆人之心畔學者離中國臣願大王圖之 也蠻夷之所義行也今王釋此而襲遠方之服變古之 萬物貨財之所聚也聖賢之所教也仁義之所施也詩 歷七百五奏第

又况山谷之便乎故去就之變智者不能一遠近之服 聖賢不能同窮鄉多異曲學多辨不知而不疑異於戶 異而禮易是故聖人首可以利其民不一其用果可以 被髮文身錯臂左衽甌越之民也黑齒雕題銀冠林縫 便其事不同其禮儒者一師而禮異中國同俗而教雜 大吳之國也禮服不同其便一也是以鄉異而用變事 其鄉而順宜因其事而制禮所以利其民而厚其國也 不非者公於求善也今卿之所言者俗也吾之所言 老一百十八

之神靈即部幾不守先王忽之其怨未能報也今騎射 熊其祭胡樓煩秦韓之邊且昔者簡子不塞晉陽以及 境西有樓煩秦韓之邊而無騎射之備故寡人且聚舟 之而無舟機之用自常山以至代上黨東有與東胡之 者所以制俗也今吾國東有河薄洛之水與齊中山同 山負齊之强兵侵掠吾地系累吾民引水圍部非社稷 概之 固求水居之民以守河薄洛之水變服騎射以備 上黨而襄王無戎取代以攘諸胡此愚智之所先時中 生七二五五六五

一致定匹庫全書 一 **慮無變擾忠無過罪子其言乎趙文曰當世輔俗古之** 臣無隱忠君無敬言國之禄也臣雖愚願竭其忠王曰 志臣敢不聽令再拜乃賜胡服趙文進諫曰農夫勞而 君子養馬政之經也愚者陳意而智者論馬教之道也 王之議敢道世俗之間今欲繼簡襄之意以順先王之 順中國之俗以逆簡襄之意惡變服之名而忘國事之 恥非寡人所望於子公子成再拜稽首曰臣愚不達於 之服近可以備上黨之形遠可以報中山之怨而叔也 老一百十八言

勢與俗化而禮與變俱聖人之道也承教而動循法無 制於服之民不足與論心拘於俗之衆不足與致意故 以觀遠而論始也且夫三代不同服而王五霸不同粉 習俗學者沈於所聞此兩者所以成官而順政也非所 之道故臣願王之圖之王曰卿言世俗之間常民溺於 聖之所以教今君釋此而襲遠方之服變古之教易古 而政知者作教而思者制馬賢者議俗不肖者拘馬去 |也衣服有裳禮之制也循法無愆民之職也三者先 歷七召至奏議

| 多定匹庫全書 而成功據俗而動者慮經而易見也今王易禮不循俗 聖人不易民而教智者不變俗而動因民而教者不勞 言明也忠不辟危明不距人子其言乎趙适曰臣聞之 雖愚願盡其忠無道其死王曰竭意不讓忠也上無蔽 化故為已者不待人制令者不法古子其釋之趙适諫 私民之職也知學之人能與聞遷達於禮之變能與時 曰隱忠不竭姦之屬也以私誣國賤之類也犯姦者身 死賤國者族宗此兩者先王之明刑臣下之大罪也臣 老一百十八日

次已日華全書 一 襲何禮之循伏義神農教而不誅黃帝堯舜誅而不怒 臣願王之圖之王曰古今不同俗何古之法帝王不相 之行非所以教民而成禮者也且循法無過修禮無邪 古聖人之與也不相襲而王夏殷之衰也不易禮而滅 宜衣服器械各便其用故禮世不一其道便國不必法 及至三王觀時而制法因事而制禮法度制令各順其 碎者亂民是以蒞國者不襲奇僻之服中國不近蠻夷 胡服不顧世非所以教民而成禮也且服奇者志淫俗 歷代名臣奏議 丟

然則反古未可非而循禮未足多也且服奇而志淫是 金ダビアノニ 其勿反也 變故循法之功不足以髙世法古之學不足以制今子 諺曰以書為御者不盡馬之情以古制令者不達事之 所以齊常民非所以論賢者也故理與俗流賢與變俱 鄒魯無奇行也俗僻而民易是吳越無俊民也是以聖 漢高祖并天下諸侯共尊為皇帝於定陶博士叔孫通 人利身之為服便事之為教進退之為節衣服之為制 卷一百十八

沙里可華全書 一 雜就之上日可試為之令易知度吾所能行為之於是 益可知者謂不相復也復重也臣願頗来古禮與秦儀 起朝儀高帝曰得無難乎通曰五帝異樂三王不同禮 醉或妄呼拔釼擊柱上患之通知上悉餍之說上曰夫 就其儀號就成高帝悉去秦儀法為簡易羣臣飲爭功 禮者因時世人情為之節文者也故夏殷周禮所因損 儒者難與進取可與守成臣願徵魯諸生與臣弟子共 通使徵魯諸生三十餘人魯有兩生不肯行曰公所事 歷代名臣奏議

禮曰吾能為此題令羣臣習肆 超同並音子院反 習之月餘通曰上可試觀上使行位尊卑之次也最與習之月餘通曰上可試觀上使行 武帝元封七年司馬遷等議改正朔時御史大夫兒寅 起又欲起禮樂禮樂所由起百年積德而後可興也吾 者且十主皆面諛親貴今天下初定死者未葬傷者未 左右為學者與其弟子百餘人為綿最野外間以茅剪 通笑曰若真鄙儒不知時變遂與所徵三十人西及上 不忍為公所為公所為不合古吾不行公往矣毋汙我 老一百十八 一段定四車全書 一 宣帝時琅琊王吉為諫大夫上疏言欲治之主不世出 時之極則順陰陽以定大明之制為萬世則 今二代之統絕而不序矣唯陛下發聖德宣考天地四 今夏時也臣等聞學稿陋不能明陛下躬理發憤昭配 天地臣愚以為三統之制後聖復前聖者二代在前也 所以明受命於天也創業變改制不相復推傳序文則 色何上寬與博士賜等議皆曰帝王必改正朔易服色 明經術上廼詔寬曰與博士共議令宜何以為正朔服 歷代名臣奏議 美

制驅一世之民隣之仁壽之域則俗何以不若成康壽 莫善於禮非空言也願與大臣延及儒生述舊禮明王 代之隆者也其務在於簿書斷獄聽訟而已此非太平 萌生刑罰無極質樸日消恩愛寝薄孔子曰安上治民 者也以意穿鑿各取一切苟順一時非正道是以詐偽 之基也今俗吏所以牧民者非有禮義科指世世通行 何以不若髙宗 公卿幸得遭遇其時未有建萬世之長策舉明主於三 卷一百十八 欠足可奉 产与 一 者用其形夏則火王其精在天温煖之氣養生百木是 周易之離夫在地為火在天為日在天者用其精在地 變足矣乃拜褒侍中 禮之家名為聚訟互生疑異筆不得下音竟作大章 曰漢為火德火生於木木盛於火故其德為孝其象在 桓帝延熹九年郎中荀爽對策陳便宜曰臣聞之於師 廣集諸儒共議得失帝曰諺言作舎道遇三年不成會 東漢章帝元和三年博士曹褒請著漢禮班固以為宜 歷代名臣奏議

萬世古今之制雖有損益而該闇之禮未曾改移以示 盡孝之終也今之公卿及二千石三年之喪不得即去 行過乎儉故有遺詔以日易月此通時之宜不可貫之 殆非所以增崇孝道而克稱火徳者也往者孝文勞議 其孝也冬時則廢其形在地酷烈之氣焚燒山林是其 不孝也故漢制使天下誦孝經選吏樂孝廉夫喪親自 ,得奔赴夫仁義之行自上而始敦厚之俗以應乎 下莫遺其親今公卿羣僚皆政教所瞻而父母之喪

卷一百十八

MINE BY TONGOLINE 敢瑜制至遭母憂三十六日而除夫失禮之源自上而 子曰人未有自致者必也親喪乎春秋傳曰上之所為 傳曰喪祭之禮闕則人臣之思薄背死忘生者衆矣曾 婦然後有父子有父子然後有君臣有君臣然後有上 也事失宜正過勿憚改天下通喪可如舊禮臣聞有夫 始古者大喪三年不呼其門所以崇國厚俗篤化之道 所為民亦為之又何誅馬昔程方進以自備宰相而不 民之歸也夫上所不為而民或為之故加刑罰若上之 歷代名臣奏議

尊加於諸侯也今漢承秦設尚主之儀以妻制夫以思 雖帝竟之女下嫁於虞猶屈體降下勤修婦道易曰帝 典曰釐降二女於為的嬪于虞降者下也嬪者婦也言 倫之始王化之端故文王作易上經首乾坤下經首成 金万巴尼有量 於諸侯也春秋之義王姬嫁齊使魯主之不以天子之 恒孔子曰天尊地卑乾坤定矣夫婦之道所謂順也堯 下有上下然後有禮義禮義備則人知所厝矣夫婦 乙歸妹以祉元吉婦人謂嫁曰歸言湯以娶禮歸其妹 卷一百十八

とてりられる 臨尊違乾坤之道失陽唱之義孔子曰昔聖人之作易 獸則壮為唱導北乃相從近取諸身則乾為人首坤為 宜近取諸身遠取諸物以通神明之德以類萬物之情 也仰則觀象於天俯則察法於地觀爲獸之文與地之 天性且詩初篇實首關雎禮始冠婚先正夫婦天地六 象夫早澤東連想為獸之文鳥則雄者鳴鴝雌能順服 今觀法於天則北極至尊四星妃后察法於地則岷山 人腹遠取諸物則木實屬天根黃屬地陽尊陰毘蓋乃 歷代名臣奏議

金分口戶人 之中婚禮為首故天子娶十二天之數也諸侯以下各 者則徇歸之推徇福之所應知廢與之所由來也衆禮 聖人建天地之中而謂之禮禮者所以與福祥之本而 式是周孔合之天地而不謬質之鬼神而不疑人事如 止福亂之源也人能枉欲從禮者則福歸之順情廢禮 此 經其古一 有等差事之降也陽性純而能施陰體順而能化以禮 ,則嘉瑞降天吉符出地五韙成備各以其序矣昔者 , 揆宜改尚主之制以稱乾坤之性遵法尧湯

人三日日 在上 濟樂節宣其氣故能豐子孫之祥致老壽之福及三代 追欲喪驅誠可痛也臣竊聞後官来女五六千人從官 務其本惡徇不易其軌截趾適屢孰云其愚何與斯人 之季淫而無節瑶臺傾宮陳妾數百陽竭於上陰隔於 藏徵調增倍十而我一空賦不辜之民以供無用之女 侍史復在其外冬夏衣服朝夕稟糧耗費無帛空竭府 **躭樂之從時亦罔或克壽是其明戒後世之人好福不** 下故周公之戒曰不知稼穑之艱難不知小人之勞惟 歷代名臣奏談

早奢儉所以為禮故以晦明寒暑之氣尊卑侈約之禮 為其節也易曰天地節而四時成春秋傳曰唯器與名 國家之弘利天人之大福也夫寒熱晦明所以為歲尊 綏眉壽四曰配陽施祈螽斯五曰寬賦役安黎民此誠 臣愚以為諸非禮聘未曾幸御者一皆遣出使成妃匹 不可以假人孝經曰安上治民其善於禮禮者尊卑之 百姓窮困於外陰陽隔塞于內故感動和氣災異屢臻 曰通怨曠和陰陽二回省財用實府藏三日修禮制 卷一百十八 とこうらんにう 按晉博士曹弘之議立秋御讀令上應著網情遂改用 物而孔子猶曰是可忍也孰不可忍洪範曰惟辟作威 宋文帝元嘉六年駙馬都尉奉朝請徐道娱上表曰謹 司必行其命此則禁亂善俗足用之要 也宜界依古禮尊卑之差及董仲舒制度之别嚴督有 也今臣僭君服下食上珍所謂害于而家凶于而國者 惟碎作福惟碎玉食凡此三者君所獨行而臣不得同 差上下之制也昔季氏八佾舞於庭非有傷害困於人 歷代名臣奏議 Ī

金分四屆有量 情非古者冠冕之服禮無其文案察邕獨斷云情是古 色愚謂應恒與冠同色不宜隨節變絲土今在近謹以 出自後代上附於冠下不屬衣冠固不革而情豈容異 早贱供事不冠人所服又董仲舒止雨書曰其執事皆 上聞如或可採乞付外詳議太學博士首萬秋議代尋 者四時之服正月駕倉龍載亦祈衣白衣服黑玉季夏 素相承至今臣浅學管見竊有惟疑伏尋禮記月今王 則黄文極於此無白冠則某履某爲也且情又非古服

一十四年帝以新撰禮論付太常傅隆使下意隆上表日 謂情不宜變萬秋雖云情宜仍舊而不明無讀土今之 輿服志曰尚書情名曰納言迎氣五郊各如其色從章 赤情知並不冠之服也漢元始用衆臣率從故司馬彪 服也自兹相承近于有晉大宋受命禮制因循斯既歷 四時今至於服黃之時獨闕不讀今不解其故 文令書得事于左魏臺雜訪日前後但見讀春夏秋久 代成準謂宜仍舊有司奏謹案道娛啓事以上今在近 きりるころ

欽定四庫全書 懼流汗原夫禮者三千之本人倫之至道故用之家國 臣以下愚不涉師訓孤陋問問面墙靡識謬蒙詢逮愧 禮而後立也其源遠而流廣其體大而義精非夫叡哲 婚子地窮高遠測深厚莫尚於禮也其樂之五聲易之 用之鄉人友朋以之三益賓主以之敬讓所謂極乎天 君臣以之親用之婚冠少長以之仁愛夫妻以之義順 八象詩之風雅書之典語春秋之微婉勸憋無不本平 大野孰能明乎此哉况遭暴焚亡百不存一漢與始徵

アハ・コーユーニア 然而五服之本或差哀敬之制奸雜國典未一於四海 俄已分異盧植鄭玄偕學馬融人各名家又後之學者 髙堂生頗識舊義諸儒各為章的之說既明不獨達所 也伏惟陛下欽明玄聖同規唐虞畴咨四岳與言三禮 家法參駁於縉紳誠宜考詳遠慮以定皇代之盛禮者 召故老搜集殘文其體例紙繆首尾脫落難可詳論幸 見不同或師資相傳共枝别幹故聞人二戴俱事后蒼 未逮曩時而問難星繁充斤無兩搞文列錦煥爛可觀 歷代名臣奏議

多好匹厚全書 儲官未詳官臣及朝臣並有敬否妃主有內相見又應 忘夙夜矣而復猥充博採之數與聞爰發之求實無以 而伯夷未登微臣竊位所以大懼負乗形神交惡者無 同其東朝臣隸理歸臣節太常及虞愿等同慶緒尚書 明帝泰始二年有司奏皇太子所生陳貴妃禮秩既同 何儀博士王慶緒議百僚內外禮敬貴妃應與皇太子 酬聖旨萬分之一不敢廢黑謹率管六所見五十 一呈黃鄙茫浪伏用竦根

朝雖因習未久事難頻改而大典之要深宜損益案士 序母以子貴經著明文內外致敬貴妃誠如慶緒議天 殊則繁簡之儀因時或異三加廢於王庶六禮限於天 始莫重冠婚所以尊表成德結歡兩姓年代汙隆古今 詳休仁議為允詔可 南蘇明帝永泰元年尚書今徐孝嗣上議曰夫人倫之 今建安王休仁議稱禮云妾既不得體君班秩視子為 ,姬嬪不容通音介於外雖義可致虔不應有牋表祭

次定四車主

歷代名臣奏議

質之理又象泮合之義故三飯卒食再酯用香先儒以 禮成好合事終於三然後用昼合儀注先職卷以再以 熙 辭實為乘夷尋婚禮實篚以四爵加以合卷既崇尚 禮重酒用時味其禮輕故也或體或醮二三之義詳許 於經文令皇王冠畢一酌而已即可擬古該體而猶用 不體則每加輕熊以酒故醮辭有三王肅云體本古其 三有違旨趣又郊特性曰三王作牢用陶匏言大古之 冠禮三加畢乃醴冠者醴則唯一而已故醴辭無二若 **執燭足充鳩燎牢燭華侈亦宜停省庶断雕可期移俗** 體以遵古之義體即用舊文於事為允婚亦依古以登 治要嘉禮實重宜備舊章謂自今王侯已下冠軍 教惟移則古昔以敦風存領年以受禮沿襲之規有切 時無共牢之禮三王作之而用太古之器重夫婦之 酌終酯之酒拉除金銀連鏁自餘雜器悉用埏陶堂人 也今雖以方標示約而彌乘音典又連卷以鏁蓋出近 俗復別有牢燭雕費采飾亦虧囊制方今聖政日隆聲

次定四事全書 一

歷代名臣奏議

威儀三千其大歸有五即宗伯所掌典禮吉為上凶次 德齊之以禮夫禮所以安上治人弘風訓俗經國家利 立天之道曰陰與陽立人之道曰仁與義故稱導之以 殷革夏損益可知雖復經禮三百曲禮三千經文三百 後嗣者也唐虞三代成必由之在乎有周憲章尤備因 梁武帝普通六年尚書僕射徐勉上修五禮表曰臣聞 有漸參議並同奏可 之實次之軍次之嘉為下也故祠祭不以禮則不齊不

之三日日 公島 之儀戰國從横政教愈泯暴素滅學掃地無餘漢氏鬱 章缺矣是以韓宣適魯知周公之德叔侯在晉辨郊勞 官守斯文日失其序禮樂征伐出自諸侯小雅盡廢舊 興日不服給猶命叔孫於外野方知帝王之為貴末葉 紛綸通有與毀或以武功銳志或好黃老之言禮義之 女失其時為國修身於斯攸急泊周室大壞王道既衰 失其儀軍旅不以禮則致亂於師律冠婚不以禮則男 莊喪紀不以禮則背死忘生者衆賓客不以禮則朝覲 歴代名臣奏議

於業定光啓二學皇枝等於貴遊闢兹五館草菜升以 於前摯虞刑之於末既而中原喪亂罕有所遺江左草 式於馬中止及東京曹褒南官制述集其散署百有餘 金罗巴尼月電 先天改物撥亂惟武經時以文作樂在乎功成制禮弘 章句既淪俎豆斯輟方領矩步之容事滅於旌鼓蘭臺 篇雖寫以尺簡而終關平奏其後兵革相尋異端互起 創因循而已釐軍之風是則未服伏惟陛下審明落運 石室之文用盡於惟蓋至乎晉初爰定新禮首節制之 卷一百十八

えてつう べい 中之儒連蹤繼軌負笈懷鉛之彦匪旦伊夕諒以化移 命彼羣才搜甘泉之法延兹碩學闡曲臺之儀淄上淹 矣明明穆穆無得而稱馬至若玄符靈貺之祥浮溟機 于時參議置新舊學士十人止修五禮諮稟衛將軍丹 齊永明三年太子步兵校尉伏曼容表求制一代禮樂 好爵爰自受命迄于告成盛德形容備矣天下能事里 山之賣固亦日書左史副在司存今可得而略也是以 一雅人從五典秩宗之教勃馬以興伏尋所定五禮起 **歴代名臣奏議**

啓審省置之宜敕使外詳時尚書祭詳以天地初革庶 昏之代頻有軍火其所散失又踰大半天監元年佟之 徐孝嗣得事本末随在南第永元中孝嗣於此遇祖又 載猶復未畢建武四年為還東山齊明帝較委尚書今 憲薨殂遺文散逆後又以事付國子祭酒何將經涉九 陽尹王儉學士亦分住郡中製作歷年猶未克就及文 軍何佟之共掌其事時修禮局住在國子學中門外東 多零落當時鳩斂所餘權付尚書左丞蔡仲熊驍騎将 卷一百十八

曹詔旨云禮壞樂缺故國異家殊實宜以時修定以為 請占斷次乃以舊學士右軍記室參軍明山賓掌吉禮 務權與宜俟隆平徐議刑撰欲且省禮局併還尚書儀 參議請五禮各置舊學士一人人各自舉學士二人相 助抄撰其中有疑者依前漢石渠後漢白虎隨源以聞 先外可議其人人定便即撰次於是尚書僕射沈約等 永准但頃之修撰以情取人不以學進其掌知者以貴 不以稽古所以歷年不就有名無實此既經國所

常承賀楊掌賓禮征虜記室察軍陸建掌軍禮右軍祭 中軍騎兵祭軍嚴植之掌凶禮中軍田曹行祭軍無太 沈約太常卿張充及臣三人同參厥務臣又奉別敕總 記載殘缺宜須博論共盡其致更使鎮軍將軍丹陽尹 禮肺尋遷官以五經博士繆昭掌凶禮復以禮儀深廣 以鎮北諮議參軍伏昕代之後又以昕代嚴植之掌凶 軍司馬裴掌嘉禮尚書左丞何佟之總察其事佟之後 知其事末又使中書侍郎周拾便於陵二人復豫祭

致定匹庫全書 ■

六年五月十日上尚書合十有二秩百一十六卷五百 實英聲方垂千載寧孝宣之能擬宣孝章之足云五禮 載篇首其列聖古為不刊之則洪規盛範冠絕百王茂 之職事有繁簡及其列畢不得同時嘉禮儀注以天監 幽微理入神契前儒所不釋後學所未聞凡諸奏决皆 積制旨裁斷其數不少莫不網羅經語玉振金聲義當 若有疑義所掌學士當職先立議通語五禮舊學士及 參知各言同異係牒啓聞决之制旨疑事既多歲時又

儀注以天監十一年十一月十七日上尚書合四十 欽定四庫全書 卷二百四十條吉禮儀注以天監十一年十一月十 合十有七秩一百三十卷四十五條軍禮儀注以天監 九年十月二十九日上尚書合十有八秩一百八十 四十六條賓禮儀注以天監六年五月二十日上尚書 上尚書合二十有六秩二百二十四卷一千五條凶禮 '秩五百一十四卷五千六百九十三條大凡一百二 一千一百七十六卷八千一十九條又列副秘 卷一百十八歴代名臣奏詞 Ð

淹留歷稔允當斯責無勒成之初未追表上夏由才輕 百代可知豈所謂齊功比美者與臣以庸識認司其任 平龍鳳之瑞自斯厥後甫備兹日孔子曰其有繼周雖 文武二王所以綱紀周室君臨天下公旦修之以致太 數無倍猶如八卦之爻因而重之錯綜成六十四也昔 寫畢竊以撰正履禮歷代军就呈明在運厥功克成周 及五經典書各一通繕寫校定以普通五年二月始獲 代三千舉其盈數今之八千隨事附益質文相變故其

たらり事とら

歷代名臣奏議

金グロアノニー 僕刺列車與朽敗自昔舊都禮物頗異遷京已來未復 後魏孝明帝熙平元年六月中侍中劉騰等奏曰中宫 六師搜尋軍禮閱其條章靡不該備所謂郁郁文哉煩 務廣思力不周永言慙惕無忘寤寐自今春與駕将親 世大典遂闕謄奏不任下情輔具載撰修始末并職掌 思陳述無前後官一時皆逝臣雖幸存養已將及慮皇 乎洋溢信可以懸諸日月頒之天下者矣愚心喜忭彌 人所成卷秩條目之數謹拜表以聞

乘謹以周禮聖制不刊之典其禮文尤備孔子云其或 繼周者雖百世可知也以其法不可踰以此言之後 車后朝見於王所來翟車后出桑則乗輦車后宫中所 重程后從王祭祀所乘厭程后從王賓享諸倭所乘安 常卿移給少卿元端博士鄭六劉臺龍等議按周禮王 總皆有容蓋翟車貝面組總有握輦車組輓有霎羽蓋 更造請集禮官以裁其制靈太后今曰付尚書量議太 后之五輅重翟錫面朱總厭翟勒面繢總安車彫面鷺

とれいりら たいか

歷代名臣奏議

以朝見于王翟車以親桑輦車宫中所乗又漢輿服志 五輅雕飾之制隨時增減太學博士王延業議按周禮 禮臣等學缺通經叨參議末輛率短見宜准周禮備造 理無全捨當今聖后臨朝親覽庶政與駕之式宜備典 與服典章多放周式雖文質時變略名宜存雕飾雖異 王后有五輅重翟以從玉祠厭翟以從王享賔客安車 云秦并天下閔三代之禮或曰殷瑞山車金根之色殷 以為大輅於是始皇作金根之車漢承秦制御為乗

12 2. J. S. 1.45 安車駕六騦按周秦漢晉車輿儀式互見圖書雖名號 車后小駕乗之以助祭山輧車后行則乘之紺罽輧車 輿太皇太后皇太后皆御金根車加交絡惟裳非法駕 后出入閤宫中小遊則乗之晉先蠶儀注皇后乗雲母 后法駕乘之以禮婚見廟乗輅后法駕乘之以親桑安 駕三馬阮諶禮圖并載秦漢已來與服亦云金根幹皇 則乘紫罽輧車雲旗文畫斬黃金塗五末蓋瓜在右縣 小行則乘之以哭公主邑君王妃公侯夫人入問輿 歷代名臣奏議

輿與輦其用又同案圖今之黑漆畫扇輦與周之輦車 正同安車既名同周制又用同重程山輧車案圖飾之 以紫紺罽輧車雖制用異於厭翟而實同用於今入閤 車亦飾以雲母晉之雲母車即是一與周之翟車其用 彪以為孔子所謂乗殷之輅即此之謂也案阮氏圖桑 制今之乗與五輅是其象也華飾典麗容觀壯美司馬 小異其大較畧相依擬金根車雖起自秦造即殷之遺 其形相似竊以為秦滅周制百事朔革官名軌式莫不

金坑四库全書

卷一百十八

というらいる **罽軿車獨三馬小駕則御安車駕三馬以助祭小行** 貼則後王今輒竭管見稽之周禮考之漢晉揉諸圖史 由去聖久遠典儀殊缺時移俗易物隨事變雖經賢哲 御紺罽輧車駕三馬以哭公主王妃公侯夫人宫中 驗之時事以為宜依漢晉法駕則御金根車駕四馬加 交絡惟裳御雲母車駕四馬以親桑其非法駕則御紫 祖襲無改伏惟皇太后叡聖淵凝照臨萬物動循典故 殊異漢魏因循繼踵仍舊雖時有損益而莫能反古良 歷代名臣奏議 四五

訪之經禮無駕六之文今之乗奧又皆駕四義符古典 時三代異制其道然也又金根及雲母駕馬或三或六 就有朝見理無結腳即事考實亦宜闕廢又哭公主及 從享之儀今無其事宜從省畧又今之皇居官掖相逼 及朝見於王之乘竊以為古者諸侯有朝會之禮故有 宜仍駕四其餘小駕宜從駕三其制用形飾備見圖志 入則御畫扇輦車案舊事比之周禮唯闕從王享賓客 妃周禮所無施之於今夏合事要損益不同用捨隨

一金 好四月子書

卷一百十

アノハ フラン・ショ 均金部郎中李仲東庫部郎中賈思同國子博士薛禎 中石士基長無右外兵郎中鄭幼儒都官郎中李秀之 無尚書左士郎中朱元旭度支郎中谷顏左民郎中張 射李平尚書齊王蕭寶寅尚書元昭尚書左丞盧全右 司室領尚書今任城王澄尚書左僕射元暉尚書右僕 郎中杜遇左主客郎中元難騎兵郎中房景先外兵郎 郎中游思進三公郎中崔鴻長無駕部郎中薛悅起部 丞 元洪超考功郎中劉懋北主客郎中源子恭南主客 歷代名臣奏議

典臣以太常國子二議為疑重集羣官並徒令議唯思 辭不辨形制假今欲作恐未合古制而不可以為一代 所乗之車宜同至尊不應更有製造周禮魏晉雖有文 以為皇太后稱制臨朝躬親庶政郊天祭地宗廟之禮 安慶賈天度文僧樹吕太保王當百槐貴等五十人議 宋婆羅劉燮髙顯邕杜靈儁張文和陳智顯楊渇侯趙 助教韓神固四門博士楊那羅唐荆寶王令儁吳珍之 邢晏高諒奚延太學博士那湛崔瓒韋朏鄭季期國子

一多定四库全書

老一百十八

2 1. 19 in Action 宰輔后猶御武帳以接羣臣示男女之别也願陛下簡 沒則使卿寧漢上官皇后將廢昌邑霍光外祖也親為 孝明帝時胡太后數幸宗戚軟貴之家侍中崔光表諫 裁决靈太后今日產官以後議折中者便可如奏 北齊文宣帝天保元年皇太子監國在西林園冬會羣 息游幸則率土屬賴含生仰悅矣不聽 不言王后夫人明無適臣家之義夫人父母在有歸寧 曰禮諸侯非問疾吊丧而入諸臣之家謂之君臣為龍 歷代名臣奏議

議皆東面二年於北城第內冬會又議東面吏部郎陸 士復何面邪南面人君正位今一官之長無不南面太 之舊太子普臣四海不以為嫌又何疑於東面禮世子 子聽政亦南面坐議者言皆晉德事太子在東宫西面 同者不可令異詩說天子至於大夫皆乗四馬况以方 面之少何可皆不同乎若太子定西面者王公卿大夫 仰疑非禮魏收改為西面那子才議欲依前曰凡禮有 為避尊位非為何臺殿也子才以為東晋博議依漢魏 卷一百十八 27. 10 int histor **燕禮燕義君位在東賓位則在西君位在作階故有武** 城非官殿之處更不得邪諸人以東面為尊宴會避案 絕馳道此皆禮同於君又晉王公世子攝命臨國乘七 處不以為嫌况東面者君臣通禮獨何為避明為向臺 旒安車駕用三馬禮同三公近宋太子乘象輅皆有同 王践作篇不在西也禮乘君之車不敢曠左君在惡空 所以然也近皇太子在西林園在於殿猶且東面於北 絕旁親世子冠於作家子生接以太牢漢元著令太子 **整代名臣奏議**

冢军太子為儲貳明堂尊於別第朝諸侯重於宴臣賓 且事雖少異有可相比者周公臣也太子子也周公為 多好四月全書 尊東也前代及今皇帝宴會接客亦東堂西面若以東 其位左亦在東不在西也君在作夫人在房鄭注人君 面則道之西面乃尊也君位南面有東有西何可皆避 以西面為早實是君之正位太公不肯北面說丹書西 得申其正位禮者皆東官臣屬公卿接宴觀禮而已若 面為貴皇太子以儲后之禮監國之重别第宴臣賓自

議云去天保初皇太子監國冬會羣臣於西園都亭坐 邪議者南尊改就西面轉君位更非合禮方面既少 為節文東西二面君臣通用太子宜然於禮為允魏收 子皇女皆東面今不約王公南面而獨約太子何所 為實明父子無嫌君臣有嫌按儀注親王受詔冠婚皇 面宴客情所未安且君行以太子監國君宴不以公卿 在明堂南面朝諸侯今太子監國不得於别第異官東 南面貴於東面臣疎於子家室輕於儲貳周公攝政得 į 1.11. 臣气召臣奏漢 學儿

太子宴會多以西面為禮此又成證非徒言也不言太 以前定東面之議復申本懷此乃國之大禮無容不盡 子常無東南二面之坐但用之有所至如西園東面所 坐於義為背也前者立議據東宫為本又案東宫舊事 卦正位向中皇太子今居北城於宫殿為東北南面而 所見收以為太子東宮位在於震長子之義也按易、 東面沒竊以為疑前者遂有別議議者亦同之邢尚書 從東面義取於向中官臺殿故也二年於官冬會坐乃 老一百十八 ランス・フラー シュトラ 云但知禮有同者不可令異不知禮有異者不可令同 東面收執西面援引經據大相往復其後竟從西面為 别君臣同異之禮恐重紙累礼書不盡也子才竟執 服有同異 姓代名臣奏議 議何為而發就如所 卒

多好四月全書 歷代名臣奏議卷一百十、 卷一百十

欽定四庫全書 欠三日戶 二十百 之時乗殷之輅弈葉共遵理無可草然三代所尚衆論 隋文帝初即位將改周制乃下詔曰宣尼制法云行夏 因 ,端或以為所建之時或以為所感之瑞或當其行色 以後之今雖夏數得天歷代通用漢尚於赤魏尚於 歴代名臣奏議卷一 禮樂統言 百十九 歷代名臣奏議 明 楊士竒等 撰

朕 黃在外常所著者通用雜色祭祀之服須合禮經宜集 曹東黑目之馬在祀與戎其尚恒異今之戎服皆可尚 衣裳宜盡用赤告丹烏木運姬有大白之於黃星土 尚色雖殊常無前代其郊丘廟社可依衮冕之儀朝會 復五德相生總以言之並宜火色垂衣已降損益可知 黃驪馬玄牲已弗相踵明不可改建寅歲首常服於 初受天命赤雀来儀無姬周已還於兹六代三正 儒更可詳議太子展子攝太常少卿裴正奏曰竊 徳 黑 廻

金分四月五十

卷一百十九

故事大象承統咸取用之與華衣冠甚多迁怪今皇 多察胡制故魏收論之稱為違古是也周氏因報將為 後周制冕加為十二既與前禮數乃不同而色應五行 起於秦代乃有青於赤玉白縣黑衣與四時而色變全 不言於弁冕五時冕色禮既無文稽於正典難以經 分躁玉五采随班異飾都無迎氣變色之文惟月令者 非典故謹按三代之冠其名各别六等之冕承用區 後魏已来制度咸闕天與之歲草創繕修所造車服 歷代名臣奏議 證

後衣色今請冠及晃並用玄惟應著情者任依漢晉制 於魏晉迎氣五郊行禮之人皆同此制考尋故事惟情 革命憲章前代其魏周輦輅不合制者已勃有司盡令 金定四庫全書 口可 禮儀志云立春之日京都皆著青衣秋夏悉如其色速 迎秋平冕用白成形既越典章須草其謬謹按續漢書 除廢然衣冠禮器尚且無行乃有立夏來衣以亦為質 開皇初思定典禮太常卿牛弘奏曰聖教陵替國章殘 卷一百十九

古法就廬非東階之位凶門豈設重之禮两蕭累代 關漢晉為法随俗因時未足經國庇人弘風施化且制 次定四車全書一 虞世基奏曰後周故事升日月於旌旗乃闕三辰而章 詳定今休明啟運憲章伊始請據前經草茲敝俗 東之人浸以成俗西魏以降師旅弗追賓與之禮盡未 國遵行後魏及齊風牛本陋殊不尋究遥相師 D 作樂事歸元首江南王儉偏陋一臣私撰儀注多違 歷代名臣奏議 祖故 詔 日

無十二但有山龍華蟲作繪宗異藻火粉米黼黻乃與 章乃後九但天子譬日徳在照臨辰為帝位月主正后 厳合重二物以就九章為十二等但每一物上下重 三公不異開皇中就裏欲生分别故衣重宗暴裳重黼 未可依重用宗異又乖法服今准尚書子欲觀古人之 負 譙 衮 此三物合德齊明自古有之理應無感周執謙道殊 不敢負於日月所以綴此三象唯施太常天王家衣 服用九驚服用七今重此三物乃非典故且周氏執

也今並用織成於繡五色錯文准孔安國衣質以玄 龍純青華蟲純黃作會宗異純黑藻純白火純赤以 ところう こう 相 具依此於左右轉上為日月各一當後領下而為星辰 又山龍九物各重行十二又近代故實依尚書大傅山 龍華蟲火宗奏等並織成為五物裳質以纁加藻 間而為五采鄭玄議已自非之云五綵相錯非 賴散之四衣裳通數此為九章兼上三辰而備十 E 月星辰山龍華蟲作會宗奏藻火粉米黼散絲 歴代名臣奏議 カロ 名 此 粉

一多 四月全書 之日屬車十有二乗於事亦得今八十一乗以牛駕車 煬帝當大備法駕嫌属車太多顧謂部即聞毗曰開皇 法服不可乖於夏制徵而用之理將為允墨勒曰可承 共宇文愷參詳故實據漢胡伯始蔡邕等議屬車八 也衣標領上各帖升龍漢晉以来率皆如此既是先王 單衣 足以益文物朕欲減之後何為可毗對曰臣初定數 乗此起於秦遂為後式故張衛賦云属車九九是也 卷一百十九

欠已日東台島 次及法駕三分減一為三十六乗此漢制也又據宋孝 故事皆此類也 法乎大駕宜三十六法駕宜用十二小駕除之毗研精 大駕依秦法駕依漢小駕依宋以為差等帝曰何用秦 今宜準此設十二乗開皇平陳因以為法令憲章往古 儉不中禮但帝王文物旂旒之數爰及冕玉皆同十 建時有司奏議晉遷江左惟設五乗尚書令建平王宏 東議兼九國三十六乗無所準憑江左五乗 歷代名臣奏議 五

路不合下馬今皆違法申敬有垂朝典太宗曰卿輩欲 恪魏王泰兄弟拜 委以藩維須依禮儀以副瞻望比見帝子拜諸叔諸叔 金月口匠人三 元晓等俱是懿親陛下友爱之懷義高古告分以車服 即亦答拜王爵既同家人有禮豈合如此顛倒昭穆伏 唐太宗貞觀二年中書舍人高季輔上疏曰竊見客王 三年禮部尚書王珪奏言准令三品以上遇親王於 垂訓誠永修異則太宗乃詔元晓等不得答吴王 卷一百 十九

少長所以絕無孽之窺親塞徇亂之源本為國家者所 深慎之太宗遂可王珪之奏 耶徵又曰殷人尚質有兄終弟及之義自周以降立嫡 在老幼設無太子則母弟次立以此而言安得輕我子 理誠不可帝曰國家立太子者擬以為君人之修短不 三公以下今三品並天子六尚書九卿為諸王下馬王 自崇貴卑我兒子耶魏徵對日漢魏以来親王班皆次 不宜當也求諸故事則無可憑行之於今又乖國惡 歷七日至奏義

一 多 定 匹 庫 全 書 朔所以三而改夫改正朔者謂夏后氏建寅殷人 徳君非 氏長而敦敏成而聰明垂衣裳而天下理其後數遷 高宗時楊炯上公卿已下冕服議曰古者太昊庖儀氏 以觀象俯以察法造書契而文籍生次有黃帝軒轅 建于至于以日繁月以月繁時以時繁年此 一般之道也夫易服色者謂夏后氏尚黑殷人尚白 尚赤至于山龍華與宗異藻火粉米黼黻此又百 姓體國經野建邦設都文質所以再而復正 卷一百十九 建力 則

者逐水上下象聖王随代而應也火者陶治烹飪象聖 時而教也華蟲者維也維身被五彩象聖王體兼文明 散雲物象聖王澤霈下人也龍者變化無方象聖王應 てこうし これ 也宗奏者虎也雖以剛猛制物象聖王神武定亂也藻 其所後来有尚矣夫日月星辰光明照下土也山者布 山龍華蟲作繪宗奏藻火粉米黼散絲繡由此言之則 王至徳日新也粉米者人恃以生象聖王為物之賴也 歷代名臣奏議

代可知之道謹按虞書曰予欲觀古人之象日月星辰

龍於山登火于宗異於是乎制家冕以祀先王九章者 院者维也有耿介之志表公有賢才能守耿介之節也 表聖王深識遠知卷舒神化也又制驚冕以祭先公也 法陽數也以龍為首章來者卷也龍德神思應麼潛見 簡能斷割象聖王臨事能決也 嚴者两已相背象君臣 所生明其象也制締冕以祭社稷之神也粉米由之成 义制毳冕以祭四望也四望者岳演之神也虎雖山林 可否相濟也逮問氏乃以日月星辰為旌旗之飾又登

一多定四年全書

卷一百十九

矣而云麟鳳有四靈之名玄龜有負圖之應雲有紀官 1. 1) ... I.I. 是乎異矣表状請制大明冕十二章乗興服之者謹按 之冕先王之法服乃自此之出矣天下之服能事又於 制禮功成作樂夫以孔宣之將聖也故行夏之時服局 象其功也又制玄冕以祭羣小祀也百神異形難可 一號水有盛德之祥此盖别表休徵終是無踰比象然 月星辰者已施於旌旗矣龍山火米者又不踰于古 但取散之相背異名也夫以周公之多才也故治定 型サンララ素

· 茄者藻之自生也又不假别為章目此盡不經之甚也 王紫盡南官之粉壁不足寫其形状罄東觀之鉛黃無 則皇王受命天地與符仰觀則壁合珠連俯察則銀黃 猛獸也適可以程武臣之力也又稱藻為水草而無法 又鸞晃八章三公服之者也鸞者太平之瑞也非三公 象引張衛賦云帯倒船于藻井披紅龍之押獵請為蓮 紀其名實固不可畢陳於法服也雲者從龍之氣也 他也鷹鳴者驚鳥也適可以辨刑曹之職也熊嚴者 卷一百十九

堯晃六章三品服之者按此王者祀四望服之名也今 章五品服之者考之於古則無其名驗之於今則非章 首此又不經之甚也若夫禮惟後俗則命為制令為部 顛 花取其文彩者夫站者蓮也若以蓮代藻變古後今既 77.17.2 1.1. 乃秦皇之故事循可以適于今矣若夫義取随時則出 一品乃得同王之毳冕而三公不得同王之家名豈惟 知草木之名亦未達文章之意此又不經之甚也又 倒衣裳抑亦自相矛楯此又不經之甚也又黼冕四 歷代名臣奏議

武后垂拱初詔問羣臣調元氣當以何道麟堂正字陳 |欽定匹庫全書 於是養成羣生順天德使人樂其業甘其食美其服然 於變周公之軌物改宣尼之法者哉 稱警入稱雖乃漢國之舊儀獨可以行於代矣亦何取 和 莫靈于人主政莫先於安人故人安則陰陽和陰 之始萬物之祖王政之大端也天地莫大於陰陽萬 則天地平天地平則元氣正先王以人之通於天也 昂因是勘后與明堂即上言臣聞之于師曰元氣天 卷一百十九

荒寧其書曰百姓的明協和萬邦黎民於變時雍延命 義和欽若昊天歷象日月星辰敬授人時和之得也夏 後天瑞降地符升風雨時草木茂遂故顓頊唐虞不敢 幽 商之衰桀紂昏暴陰陽乖行天地震怒山川思神 信忠厚加於百姓故成康刑措四十餘年天人方和而 見災疾疫大興終以滅亡和之失也迨周文武創業誠 厲亂常時題暴虐話騎天地川冢沸崩人用愁怨其 曰吴天不惠降此大戾不先不後為虐為察顧不哀 الله دارا . ۱۸۰ م دراه الله 發妖

眇然遠思欲求太和此伏羲氏所以為三皇首也告者 元氣睦人倫捨此則無以為也昔黃帝合官有虞總期 世鴻業關而不昭殆留此盛德以發揮陛下哉臣謂 天皇大帝攬元符東封太山然未建明堂事上帝使萬 疲生人之力洩天地之藏中國之難起故身死人手宗 廟為墟逆元氣之理也臣觀個亂之動天人之際先 說昭然著明不可欺也陛下會天地之德日月之 明 師 和

哉近隋煬帝恃四海之富鑿渠決河自伊洛属之楊州

欽定四庫全書

页

卷一百 十九 厘八名 日麦

息活刑修文徳以止干戈察孝庶以除貪吏後宫非妃 卿大夫于青陽左个負谷展馬玉几聽天下之政躬籍 ここうし こと 周禮月令而成之廼月孟春乗鸞輅駕箸龍朝三公九 **堯衢室夏世室皆所以調元氣治陰陽也臣聞明堂有** 「為唐恢萬世之業相國南郊建明堂與天下更始按 ,地之制陰陽之統二十四氣八風十二月四時五行 親盤以勸農桑養三老五更以教孝悌明訟恤獄以 八宿莫不率備王者政失則災政順則祥臣願陛 歷代名臣奏議 土

自大夫已下皆乗車而以馬為縣服魏已降迄乎隋代 書郎而報輕乗馬則為御史所彈又頹延之罷官後好 設行於軍旅戎服所乗貴于便習者也按江左官至尚 如李廣北征解鞍憩息馬援南伐據鞍碩盼斯鞍馬之 朝士又駕牛車歷代經史具有其事不可二而言也至 中宗時左庶子劉子玄上朝服乗車議曰伏以古者爰 淫祀熒惑於人者禁之臣謂不數春且見太平云 嬪御女者出之珠玉錦繡雕琢伎巧無益者棄之巫鬼 卷一百十九

|比者鑾輿出幸法駕首途左右侍臣皆以朝服乗馬夫 謂惟知其一而未知其二也何者發衣博帶草履高冠 冠履而出只可配車而行今乗車既停而冠履不易可 在於他事無復乗車貴賤所行通用鞍馬而已臣伏見 家撫運沿草随時至如陵廟巡謁王公冊命則盛服冠 衣單馬御鞍宜從藝服求之近古灼然之明驗也自皇 騎馬出入間里當代稱其放誕此則專車憑軾可服朝 履乗彼輅車其士庶有衣冠親迎者亦時以服箱充

次 三 四 車 全 書

歷代名臣奏講

是後人所為非當時所撰且觀代間有古今圖畫者多 衣冠栗馬者此則近代故事不得謂無其文臣按此 塵之内出入於旌棨之間儻馬有驚逸人從顛墜遂使 本非馬上所施自是車中之服必也幾而升鐘跣以乗 多りも 路有損威儀今議者皆以私閣有深武帝南郊 屬車之右遺履不收清道之傍絓縣相續固以受強行 且長裾廣袖檐如翼如鳴珮紆組鏘鏘奕奕馳驟於風 非惟不師古道亦自取驚令俗求諸折中進退無準 卷一百 圖多有 圖

钦定四庫全書 | 有不便理資變通其乗馬衣冠竊謂宜後省廢臣懷此 義同於此又傳稱因俗禮貴緣情殷輅周冕規模不 矣如張僧繇畫羣公祖二疏而兵士有著芒屬者閻立 異義其来自久日不服給未及推揚今屬殿 秦冠漢珮用拾無恒况我國家道軼百王功高萬古事 本畫昭君入匈奴而婦人有著惟帽者夫芒屬出于水 此二畫以為故實者乎由斯而言則深氏南郊之圖 非京華所有惟帽創于隋代非漢宫所作議者豈可 歴代名臣奏談 i 下親後齒

樂必崩古之擇士先觀射禮非取一時樂也夫射者別 制禮以正人情君子三年不為禮禮必壞三年不為樂 **胃將臨國學凡有衣冠乗馬皆憚此行所以軟進狂言** 財所 那正觀德行中祭祀降冠我古先哲王莫不逃襲比年 睿宗景雲中諫議大夫源乾曜上奏曰聖王教天下必 用申鄙見 以来射禮不講所司怯費而舊典為虧臣愚謂所計者 虧者禮故孔子不爱羊而存禮也大射謂春秋不

宗廟之樂足不践軒坪之地十有二年於兹矣夫朝會 禮之本也唐虞之制羣后四朝以明點陟商周之盛 作王道本始國家自兵與不遑議禮方牧未朝熊樂久 之意曰臣竊感江漢朝宗之議鹿鳴君臣之識頌替之 徳宗貞元十三年柳冕兼御史中丞福建觀察使自以 可廢 (疏斥又性躁狷不能無恨乃上表乞代且推明朝 臣限一 一切之制例無朝集目不覩朝廷之禮耳不 きサる王号義 19 觐

情不朝之臣思一入覲率先天下使君臣之義親而不 方多故始有不朝戎臣恃險或不悔過臣忝收圍之寄 臣之憂也比間諸將即亡及者衆臣自憚何德以堪 進賢以與善簡不肖以點惡自安史亂常始有專地四 歲一見以考制度漢法三載上計以會課最聖唐稽古 欽定匹庫全書 會尚書省應考績事元日陳貢非集於考堂唱其考第 天下朝集三考一見皆以十月上計京師十一月禮見 朝覲之禮廢而復舉誠恐負新溘先朝露覲禮不展 老一百十九

武宗會昌中李德裕上言曰伏見禮記云君子將管官 是皇城南第三坊便有朝官私廟實則逼近官聞自威 必 虧聖政伏以朱雀門至明德門凡有九坊其長興坊 室宗廟為先底庫為次宫室為後又章形五禮精義對 禮也三者臣之大願表累上其辭哀切德宗許還 而尊之不自專也今令城外置廟稍異禮文書於史策 曰古之制廟必中門之外吉凶大事皆告而行所以親 長鄉國人情之不忘也關庭臣子所聽也朝覲國家上 在七二五五天

| 欽定匹庫全書 貴不違禮意感悅人心臣等頻奉聖旨有事許再三論 奏輙罄所見庶禅聰明 置私廟其朱雀街緣是南郊御路至明德門夾街兩面 廟無所妨礙臣等商量今日以後皇城南六坊內 遠軍向南三坊俗稱闡外地至開僻人鮮經過於此置 子奉聖旨入問圖宜令史館脩撰楊徽之等四人 太宗淳化二年諫議大夫張泊上奏曰臣准中書割 及曲江側近亦不得置餘圍外深僻坊並無所禁 老一百十九月十九日 不 將 得 ĒΓ

唐之宣政殿也在周為中朝在漢為前殿在唐為正衙 朝冬至元日立全仗朝萬國在此殿也今之文德殿即 今之乾元殿即唐之含元殿也在周為外朝在唐為大 矣臣幸因詔旨敢貢管窺沿襲之宜惟明主裁酌竊以 慮文字錯誤再令比對即知聖念于臨朝儀注謹重至 |典憲簡冊具存近代因循多違舊式今陛下以入問圖 圖比對錯誤文字改正修畢却送問門者臣伏以朝 朔望起居及册拜妃后皇子王公大臣對四夷君長

灰巴日草 产

歷代名臣奏議

去

金岁巴万人 試制策科舉人在此殿也令之崇德殿即唐之紫宸殿 也在周為內朝在漢為宣室在唐為上問隻日常朝之 紫宸上問之時先於宣政殿前立黃麾金吾仗俟契勘 巡幸則有大駕法後之盛 御殿則有鉤陳羽衛之嚴故 雖隻日常朝亦猶立仗前代謂之入閣儀者盖隻日御 也告東晉太極殿有東西問唐置紫宸上問法此制 且人君恭已南面向明而理紫宸黄屋至尊至重故 內自東西問門入故謂之入閣今朝廷且以文 卷一百十九 謂之三司為侍從供奉之官令常朝之日侍從官先入 庶乎臨御之式允叶前經今與論乃以入閣儀注為朝 其崇德殿即唐之延英殿是也為雙日常時聽斷之所 廣博伏請改創此殿以為上閣作雙日立仗視朝之所 長春殿正與文德殿南北相對殿前地位連横街亦甚 治平凡百憲章悉後損益惟視朝之禮尚屬因循竊見 非常之禮甚無謂也臣竊按舊史中書門下御史臺 正衙權宜為上問甚非馬度况國家不承正統守內

欠臣日声白島

歷代名臣奏議

丰

隻 然後宰臣率正班入起居庶免侍從官有東西對拜之 金りにた 得遵正禮臣又間古之王者躬勤庶務其臨朝之疏 視正事之繁簡唐始受命五日 拜甚失北面朝謁之禮令請準舊儀侍從官先次 觀故事自天寶兵與之後四方多故由肅宗而 居畢在左右分行侍立於丹墀之下故謂之蛾眉班 廷東西立定俟正班入 日臨朝雙日不坐其隻日或遇大寒盛暑陰霪泥海 1: The 巷 百百 一時起居其侍從官則東西 十九 朝景雲初年復脩

暑陰露泥海亦放百官起居其雙日大官進食之後於 亦放百官起居其雙日宰臣以下奏覆公事即時特 碎首引大體以争則忠亮之心有所不至矣臣欲望陛 下依前代舊規隻日視朝雙日不坐其隻日遇大寒盛 延英名對或蠻夷入貢勲臣歸朝亦特開紫宸引見陛 |謨訓儻君父焦勞于上臣子緘黙于下或不能隕身 政雖剛健不息固天德之常然而游馬息馬亦聖 自臨大寶十有五年未當一日不雞鳴而起聽天下 歷光台至奏義

配 神於元默夫如是聖君嚮明 臣 |崇德崇政两殿召對宰臣常察官以下及非時蠻夷入 貢勲臣歸朝亦特開上問引見並請准前代故事處 間易曰聖人久於其道而天下化成首動静有常恬 天博厚配地悠久而無疆矣臣向承朝命叨居館 相養憂勤宵肝則當躬政於冕旒端拱穆清則可 國儀注合預察詳當文思有截之時獻虚簿無庸 雖 死猶 生 老一百十九 御極之治勞逸相均高 怡 分

烹之餘故為盛饌計一 當坐於召殿两廊者拜舞方畢趨馳就席品列之序斜 ここりこ しょう 望自今今有司預依品位告諭其有踰越班次拜起失 四年正月以南郊禮成大宴含光殿直史館陳靖上言 賢序風雅之作兹為盛馬伏見近年內殿錫宴羣臣 無別及至尊舉爵羣臣起立先後不整俯仰失節欲 喧譁過甚者並令糾舉又惟飫賜之典以寵武夫大)饗宴者所以省福福而觀威儀也故宴以禮成賓 歷代名臣奏議 飯所費可數人之屬厭而將 丸

一到定四庫全書 一 望分命中使巡察並從之 庭當定員數籍姓名以謹其出入酒殺之司或虧精潔 乎盡禮而有位之士鮮克致恭當斜其不恪又供事禁 史中丞李昌齡亦言廣宴之設以均飫賜得齒高會宜 革或至終宴之時尚有欲炙之色盖執事者失於察視 不及潔豐而使然也伏望並申嚴制至道元年三月御 壽秘閣校理范仲淹極言之且曰奉親于內自有家 宗天聖七年章獻太后將以冬至受朝天子率百官 卷一百十九

道 漢橋久来設性極禁止行人須立條制許近上臣僚于 翰林學士宋祁上奏曰臣伏見宣德門前御道南至天 ここうし ここう 中有御路號天子馳道凡在臣庶不合得行漢制皇太 子尚不敢擅絕馳道盖尊君早臣上下有體故也今朝 一臣僚竊謂宣德門比周之外朝朱雀門是唐之皇城 制度簡于唐漢京都御路止此一處臣欲望自宣德 上行馬近都御史臺禮院重更定奪應出節者為近 禮顧與百官同列南面而朝之不可為後世法 歷代名臣奏議 Ī

門至朱雀門外朝之地皇城之内表其中街以為馳道 育文字伏奉徳音詢及入閣故事臣雖與諸臣等畧陳 參知政事宋庠論入閣儀奏曰臣近因與宰臣進呈吳 應臣庶車馬並禁往来惟隨從乗與不在禁限議者或 度臣子共當崇戴彼之使臣亦陛下之臣也設令彼有 有司詳定 契丹人使已曾許馳道行馬難于改作臣謂天子制 問則今主客者具以實對質之事體無所妨礙乞再 卷一百十九

高宗以後天子多在大明官此官制度尤為華備官之 明宫宫在大内之東北世謂之東內謂大內為西內自 家隻日於紫宸殿受常朝之儀也謹按唐有大內有大 梗緊然理有未詳退而講求敢此條悉夫入問者是唐 正南門曰丹鳳門門內第一殿曰含元至大朝會則御 人對北第三殿日紫宸謂之上問亦曰內衙隻日常朝 2對北第二殿曰宣政謂之正衙朔望大冊拜則御之 御之據唐制凡天子坐朝必須立仗于正衙殿或乗

次足口草山島

歷代名臣奏議

主

金がりると 立 鳳門也大慶殿唐含元殿也文德殿唐宣政殿也紫宸 唐 唐紫宸殿也今或欲求入閣本意施于儀典即 自中葉以還雙日及非時大臣奏事別開延英殿 門也岩以國朝之制 御紫宸即唤正衙仗自宣政殿 于文德之庭如天子止御紫宸即唤仗自東西 相 女ロ 此 值 則差與舊儀相合但今之 い 此為殊耳故後来論議因有未明又按 相為比况則今之宣德門唐 百 ぇ 諸殿比于唐制 两門入是謂東西 須先 賜 南 陽 丹

差奸尤甚盖當時編撰之士討求未至太宗朝儒臣 簡 為希闊之事故况唐開元舊禮本無此制至開實中諸 記常朝之制 對若今假日御崇政延和是也乃知唐家每遇坐朝之 ここうここ 復謂之盛禮甚不然也今之相傳入問圖者是官司 增附新禮始載月朔入閣之儀又以文德殿為上 正衙立仗因而遂廢其後或有行者常人之所罕見 即為入間而叔世離亂五朝草創大昕之制更後易 如問門有儀制教合班雜坐圖之類何足 歷代名臣奏號 主 閤

藝祖受命論次開寶通禮亦著月朔入閣之儀則 者為政之端辰講禮之盛節國家因五代之亂承千年 泊 故 義周家尤重在昔宣聖爱羊存禮漢沿周制合朔朝會 所 앭 欲乞送付两 亦有論奏煩為精治臣伏思朝廷他日修復正衙立 又乞御前殿朔日立仗羣臣朝服奏曰臣間告朔 以刊誤文備成式也 優借大臣許朝朔望唐制立仗羣臣背關傘入會 制使預加商推改正舊儀雖非要務亦 卷一百十九 朔 E

治體也臣願陛下上考成周仲尼之法下稽炎漢李唐 非於華侈所以重主威也朝會之作非專拜捐所以 五日 而罷如此則臣道肅而主道尊于以示四夷風萬國警 E 之盛近守太祖開寶之禮明記執事祇案成規每遇朔 朝廷不尊國容寝廢則臣下不肅臣愚以為羽衛之設 '統始勝殘去殺務從簡易雖制度既定而謙讓未遑 坐前殿朝羣臣旗好細仗以次陳設公卿朝服 參靡分朔望禁衛單少威儀粗率禮典弗振則 如樣 飾

た正司手とき

歷代名臣奏議

Ī

執 金分四母各書 織而已殊無典禮所載公卿奉引之盛其侍從百司官 論可否講求故實如曰便禮即奉而行之使重熙顯散 為貴謂其采章伏望陛下露臣此言使博士禮官得確 庠又論車駕儀衛奏曰臣竊見車駕每有行幸自非 民耳目不可關也夫禮有以素為貴謂其誠態有以文 競丕業由陛下之馴致也 大禮具陳鹵簿外其常日尊後唯前有駕頭後擁扇 至厮役皆雜行道中步輦之後但以親事官百許 郊

國 こうシン 觀者率隨尾從之人夾道馳走喧呼不禁所過有旗專 市樓皆垂簾外蔽士民憑髙下瞅了無忌惮邏司街使 微 朝承五姓荒殘之弊事從簡署每鳴鑾游豫盡去戈 至唐又分殿中諸衛黃麾等仗名數次序各有施 行之慎且自黃帝以神功盛德猶假師兵為營衛則 不呵止威令弛闕習以為常非所謂旄頭先驅清道 禦變古令 體按漢魏以降有大駕法駕小駕 歷弋台至奏義 Ę

過以殿謂之禁衛諸班勁騎頗與乗與相遠而士

庶

宜在兹 改作之咎欲望聖慈專委一二博學近臣檢討前代儀 戟旌旗之制儀衛寡薄頗同藩鎮此皆制度放失憚 朝廷常務百司小事猶當上稽舊典下探衆論何况宗 間動旨為温成皇后立思禮官請對不許臣竊惑之凡 至和元年直集賢院劉敞論温成皇后立忌奏曰臣伏 酌 儀物増嚴條禁上以示尊極次以防未然草去因循 及鹵簿今来乗與常時出入體式於三駕諸仗內斟 E) 老一百十九

てこう ラーニュー 密放眩惑聖聰導陛下以非禮 嬖于嫡上無以事宗廟下無以教後嗣恐祖宗神靈 忌奈何以温成私昵之愛變古越禮則是貴妾于此尊 實尚非美事設有其實罪亦大矣當伏两觀之誅以 天下且自太祖以来后廟四室皆陛下之妣也循不立 廟大禮至尊至重豈可以 失貽笑萬世虧損盛明悔不可追今議者乃云有邪 于此 非陛下奉先思孝之意也昔成湯改過不吝故 歷代名臣奏義 時之寵獨決聖心義有僭 勸陛下以拒諫若此 主 無 謝 臣

割情去私詢于司存追寢過命使萬萬億年無復譏議 传之說母變先帝之舊典母枉宗廟之正禮回易意處 稱聖王格于皇天願陛下母寫於嬖近之寵母安於邪 御史中丞孫抃等上奏曰臣等昨間朝廷欲為后廟 天下幸甚臣以無能恭備儒館禮樂之失臣得預馬 出臣等伏覩太祖太宗真宗三朝故事皇后不科太室 室并章息皇后各立小思已具劄子論奏至今尚未降 者皆不立忌此國家大典禮大制度陛下不可不遵守 老一百十九 四

奉多歷年所即未當有此擬議今因循之間邁爾更改 改定四車全書 | 協 一御天下踰三十載聖功神德卓若竟舜今忽録此 記命則取四方之幾書之史策則貼萬世之前陛下臨 且孝惠孝章淑德章懷章惠是陛下三世尊屬别廟崇 遂成非錯俾盛美光大有愧于畴昔陛下安忍如是欲 外間聽咸謂陛下因温成而遂追及先朝諸后布之 一特降聖旨集百官議定然後行下制勃所貴禮典詳 以順天人之心 歷代名臣奏議 主 事

誠 然至乾元之後祀事即絕自當時已知其非禮豈足為 聖明法哉臣近奏疏願因親給宗廟特記有司裁損其 之意而失臣所以事上之禮也故敢不避 知禮院為名禮有不正知而不言則負朝廷所以命 嘉祐四年同知太常禮院韓維上奏曰母所領職以 **卜有以唐武惠妃事上惑聖明者惠妃之殁雖常立廟** 所不道質于故事則本朝之所無有臣竊間其時臣 見温成皇后廟樂牲器僭比祖宗稽之禮經則先聖 卷一百十 誅 死而言臣! 同 臣

|飲定四車全書 | | | | | 典三禮命變典樂以教胄子爰及夏商制作損益不相 沿襲周監二代文物全備事為之制曲為之防數度紀 治盖聖人所以異等威明風教以觀示天下者禮存之 制以全陛下廣孝愛禮之美封章奏御累日寝而不下 仁宗時張方平上論曰臣聞告在帝舜命伯夷秩宗以 於此也如不以臣言為信則并臣前章付中書門下使 臣竊惑之陛下無謂數楹之屋两簋之器施之未損于 臣參議事有可采乞早賜施行 歷代名臣奏議 重

胙 視安烈匹夫擒之爾後至戰國兵好徇大九法盡戰 疆威勢之盛不可以犯典禮之重也不然者以齊晉之 正名稱爵通於天下則 得齊咸因諸侯請命于周有封籍于文武之廟而後敢 所繁雖齊桓晉文立威定霸必挾王命以令四方猶賜 守者惟祭與號而天下尚知宗周以其典禮攸出根本 律具於六典於是教化浹洽訟獄衰息後之孱王其所 而下拜請随而不許降及末世韓魏之分晉田氏之 ز ت 老一正 矢口 疆域之大士民之衆甲兵之

欠三日 早 かか 其維持邦國八百餘年雖危不亡將絕復續非禮何 存之漢初承秦滅學盪無條貫叔孫通採拾遺散草 統治致太平賈誼勸上宜定制度與禮樂而當時將 理教民成俗使諸侯軌道成歸于極則未服也孝文 法而後君臣之位正郊祀之 理道克與暴亂不作至於設官分職 臣皆介胄武人不知治體沮寝其議漢氏當文景 解諸侯先焚削舊禮之篇籍而遂僭用王章馬然 歴代名臣奏議 禮修宗廟以尊朝廷 綱紀天下本 主 いく

金牙口压石量 文帝之恭儉務德具王道而微者所不至於王一息爾 之世可謂盛矣百姓樂業家給人足五都之貨殖七速 **章儀物信美哉而制度典禮終不克建于後兵刑齊用** 其失由乎富庶而不能教也逮乎武帝招延材雋其文 之豪舉驅扇浮靡汰盪止度問間之僭乃過徹侯夫以 立明堂靈臺辟雅小學行宗祀養老之禮和安之世漸 氏之功垂于漢不在蕭曹之下也中與之後稍復增緝 財貨益急嚮非叔孫之法維持之殆矣由是言之叔孫 卷一百十

徒能類其篇目而不屬諸典司止具乎朝廷之儀不該 成本末為用經國治民同條共貫漢唐作者有異於是 官凡制度施設悉係之羣職人存則法舉上修則下存 以陵遲桓靈不君王制大壞厥後吳魏異政南北殊俗 乎天下之務吏民約東乃别著乎刑書子曰道之以政 事為典常者則謂之禮不恭其事者軟董以刑表裏 世用多故文獻不足唐平隋亂太宗因開皇五禮修正 頒行顯慶之初異同遽起開元之末討論南定竊詳 周

沙色四事七島 一

歷代名臣奏議

え

僭成此固朝廷深維治世之本欲清教化之原思納 宜乎必世後仁可以勝殘去殺然風俗猶未歸厚刑 王之道所以異乎三代者也我國家接衰唐之絕緒 乎刑書此乃備其末而廢其本縱其初而要其失故後 齊之以刑民免而無恥夫訓民正俗不在乎禮典而在 備者也考定鍾律序正雅頌布明記于天下誠底民之 五季之紙政德厚流光海宇大定為承平者逾六十年 **頗繁密故由禮樂未明數制未立王道有所壅而** 蹇 百

然也今小大之吏凡理民之術莫不以簿書督責為急 於已失之謂刑禁之于未發者謂大為之防使無越者 其膏血錐刀毫忽人盡争之此乃驅之使相吞食逼之 務文巧苛深為善職聚飲侵漁集以為功剥刻貧民竭 救於已失者謂養成其俗而後草之子曰道之以禮樂 典禮教民而不專用乎法也是故禁於未發之謂禮救 於軟物者也臣間之書曰伯夷降典折民惟刑言先以 民和睦是故設法而草于既失不若立禮以防於未 ませるま 長ん

講道于下兆民安業四夷来庭是可以闢九筵而布政 出 立園水而宣德益廣天下之庠序便習射之禮隆雅頌 使為盜亂又何服孝友禮義之勸廉恥遜讓之貴乎故 所以漸引其心術者末也方令聖主勵精於上賢輔 而好生令下而詐起的取一 即財利之事民不聞乎德教而惟利與刑之聞故法 知者今凡羣臣之上計議條令之下四方非刑名之 知理化之大體稍能使民回心而鄉道類非俗吏所 切無憂深思遠之慮由

|銀定匹庫全書

老一百十九

矣今天下學士所習者前代之餘制廷列羣臣所引者 立百世之宏規且王者受命必有制作是故質文互變 忠恭殊尚改正朔易微號別服色異器械所以新天下 沿草定慰當之一說以折衷於諸家隻其繁重以便遵 用 /聲分命大臣集諸儒碩生因前聖之遺制考舊禮之 耳目振舊物之頹廢又况禮樂之大固無沿襲之 朝之故事我大宋繼天而王久曠大儀小臣鄙愚竊 自國家損益之法至吏民等級之度成皇家之大典 をうちる は、

害除夫 | 欽定匹庫全書 節卦象曰節以制 成立 懷憤恨盖太平之期難值英哲之主間出臣不勝踴躍 方平又上車服論曰臣聞為國以禮莫大手制度制 以體政政以正民是以政成而民聽易則生亂在易 下以至斐然不量僭陳大議盖為明時重惜也謹 則上下之分定尊甲之序别争奪之患塞僭亂之 稍近乎政教之本者存數條馬謹論 如是其理天下循示諸掌乎傅曰夫名以出禮 數度議德行若夫以德詔爵以才居 卷一百十九

門庭之式宗廟祭祀之法賓客交接之道鍾石羽篇之 以正諸侯之位以等諸臣之爵自國家封方之度官室 書曰車服以庸又曰五服五章哉周官則有五儀九命 位是為議徳行名位不同禮亦異數是為制數度故虞 而後邦國有倫也是故觀其采章則人望而畏辨其文 制年積餐食之品裸酢問勞之節惟事事乃其有制 而衆不敢贖有徳者一 , 筵姐豆之數 冕服圭籍珮組之飾車乗旗斿纓旄 物 可以在賞有功者一解可

欽定四庫全書 輪輻衝軛輻憾惟裳以彰等級之度自江左至隋儀物 以寵禁王者南面而治惟名與器而已漢世車服頗存 練裙襦絳蔽膝草帶金飾鉤鰈方心曲領紳帶玉鏢劍 復舊儀車服等衰差為四品有常服公服朝服祭服其 未替而中原永嘉之後五胡雜處先王典禮褻亂無遺 周舊自士已上帶蒙冠寫而皆乗車以馬為縣服異其 元魏髙齊增為竒詭與裳制度于古無說隋氏一統稍 公朝服進賢三梁冠絳紗單衣白紗中單阜領標白 卷一百十九 司

皆戎衣以五色表貴賤馬唐侍臣服令雖畧比隋制盖 陪祭朝享元會大事乃具服其識見進對折上巾紫欄 山蒼王佩綬烏皮鳥笏用象牙乗車油帳朱網是時内 在其首為履舄以重其超行步則有衝牙之聲登車則 御矣相承至今馬臣間古先聖人制禮之意為冠冕以 袍環帶擊囊佩馬皮靴而已始有乗馬之服盖車不復 幸屢與師役百官行從皆服袴褶始語隨車駕涉遠者 外百官文物有序貴賤士展較然殊别至煬帝數事処 在うちを表義

欽定四庫全書 本用於軍旅戎服而乗貴于便習長裙廣袖紆組鳴玉 於太學有司草儀注從臣皆衣冠乗馬時議者以為馬 漢儀雖守令之甲皆有從車唐景龍中皇子將行釋真 玉輅而王公百辟皆法服騎從此禮之尤失者也臣觀 矣天下庸得不馳騁而狂亂者敗今郊祀大禮天子駕 冠以出不亦簡奏乎尊早無章民何效馬茍曰便而已 所為胡服也靴胡履也合務胡務也傳曰棄家冕而南 有和鸞之節是故斯須而必在禮矣夫貂而騎趙武靈 卷一百十九

漢晉乗車駒馬增異冠服卿大夫士以品式差降之 欠日日年日 非馬上 愚以為宜約前世之禮文詳定方今之制度大臣復依 繡自人君至於庶人同施均用其居室器玩之汰則豪 以為朝服而卒校胥史為制一等其羅穀綺統織文絲 豈所以彰朝廷之尊嚴者哉又中履靴笏自公卿大臣 之以尊早顯之以秩序而以輔相之重雜于賜騎之羣 大貫踰于贵戚臣聞周官曰以儀辨等則民不越臣 一所宜其儀遂寝况國之盛禮天下所觀是宜示 歷代名臣奏議 三五

薨逝事不下禮官詳檢既已施行雖, 宁 及皆曰失禮故太常設官職在檢詳陛下臨 居然崇陛之象紀章自辨無復假器之議矣 金岁口后人 則備物甲則界馬其卒校胥史盍稍搏省其製令有所 !建路轉運使蔡襄上奏曰臣伏聞陛下為温成皇后 異不相 餘年動遵典法聖德之盛明如天日近者温成皇后 忌臣竊謂聖人制禮所以明輕重尊甲之節過與不 疑雜則上下不相褻朝廷之道尊等級自隆 G 有過當無由追改 御天下

欠日日年日日 午口 皆不立思温成皇后生則為妃後乃追冊於陛下為里 知太常禮院蘇頌請重脩纂國朝所行五禮疏曰臣竊 幻之列不應立忌伏望聖慈追還勅命庭乎天下之 后於陛下為伯祖此為皇此其屬之尊如此向来奉慈 今又立思考之於禮未為適中伏以孝章淑徳章懷四 部台開納不容自黑軟敢以平昔所懷一二狂瞽仰 方今聖治日新百度修舉其在朝政固無可措言者 陛下以禮斷情合於中道 歴代名臣奏議 圭

直載 無取 述之不同而語其歸趣實相為表裏也後世言禮者皆 禮載升降隆殺之節戴記叙古今因草之文雖聖賢作 考之六經在禮有三種之別周官著有司典領之事儀 金岁口匠人 不出此三體漢晉泊隋雖代有作者而茍簡一時法制 唐损益節文簡冊具載而前後禮官纂集類無法制或 塞明記臣伏見國朝以来制作禮樂上采三代下迄有 唐明皇命學士等因貞觀顯慶所修五禮討論 時所行或雜情歲月條目相錯本末不倫臣竊 卷一百 た 刑门

開元禮設科取士逮令官司遵用斯為不刊况之六經 是為開寶通禮又有義纂一百卷以發明其旨要仍依 以其法制存馬故也太祖皇帝特詔儒臣劉温叟盧多 為詳悉故今世漢晉泊隋皆無傳而開元禮獨不廢者 儀禮之别也然此持一經也在於有司典領之事古今 遜扈蒙等祖述其書傅以令事仍加增損足成二百卷 科舉傅其學者則有義鑑義羅之類比于近代之書最 改集成一百五十卷是為大唐開元禮行於累朝設於 歷七台至奏義 Ę

一 致定匹庫全書 察修常以恭謝一門分為三目其一自降御礼公卿百 觀嘉祐初太常歐陽修奏請編撰彼時臣任博士職預 禮官領他職復奏姚關蘇洵繼掌其事闢洵離析舊文 沿草以此一 禮畢謂之儀注其三采古今曲臺論議更創之制謂之 以後百年之間累聖躬行聲明寝盛非有繼述後世何 沿草之文猶闕而不立故舉行之際尚或未備自開實 司奉行辨備之事謂之有司其二自前期陳設至裸獻 門為例他悉做之修已議定具草會臣罷 卷一百十九

訓 作之盛也臣伏覩陛下留意典章修舉廢墜前歲詔 更立新體撰成一百卷是為太常因草禮雖號簡要幾 近臣詳定禮文自郊廟至於羣臣朝會與夫燕享器 同鈔節固可以備有司之檢閱誠未足以發揚聖朝制 名數舞樂之形容考古揆令審求至當皆三代之所 與六經並行為萬世於式也臣不勝願幸欲望再命 失漢唐之所闕遺斷自清衷舉行殆遍固當著於典 儒討論國朝以来自開寶通禮至近歲詳定禮文 歷代名臣奏議 圭

二 可巨 二方

Ê 金牙四月石書 為朝廷講議之官庶幾天下向風皆知禮 御垂拱退 英宗即位初殿中侍御史司馬光上論後殿起居劉子 科舉則數歲之後必有詳練疏通之人上副拔權可 禮付之太常領於學官使博士弟子講習大義或施 有司及儀注沿革依三禮隨類分門著為大宋元豐新 不學而能於變時確可政而待也 臣竊見國家從来以垂拱崇政為便殿乗與每旦先 一御崇政是以侍從近臣已於垂拱起居者非 卷一百十 教謙恭博 節

起 制 臣而動踰旬月不得瞻望黼展臣恐朝廷之儀由此相 將近旬月學士以下遂廢起居之禮豈有名為侍從近 承寝益訛謬欲乞今後應乗與不御前殿並今學士 居 垂拱不赴崇政起居近以山陵未畢乗與不御垂拱 拱有司不詳事體本末遂令學士待制及两省官只 職事奏對更不復至崇政近歲以来乗與間日 及两省官赴後殿起居或以為太煩即令两日一次 香サい 王馬 Ē 待 御

行等衰相承聚然有叙若身之使臂臂之使指莫敢不 於無禮也乃立軍中之制曰一階 愿生民塗炭祖宗受天景命聖徳聰明知天下之礼生 行姑息之政是以藩鎮跋扈威侮朝廷士卒驕横侵逼 治平元年光知諫院又上論階級劉子曰臣聞治軍無 有違犯罪至于死于是上至都指揮使下至押官長 一帥下陵上替無復綱紀以至五代天下大亂運林廹 則威嚴不行禮者上下之分是也唐自肅代以降務 Ī 級全歸伏事之儀

| 欽定匹庫全書

老儿

百十九

問騙恣悖慢寖不可制上畏其下尊制於果所謂下陵 悦色曲加照 嫗以至懦怯兵官亦為此態遂使行伍之 階級者務行寬貸是致軍校大率不敢鈴東長行甘言 級之人雖活一人之命殊不知軍法不立漸成陵替之 兵臣僚往往不識大體好施小恵以盗虚名軍中有犯 百有餘年天下太平者皆由此道也近歲以来中外主 一替者無過於此臣聞聖王刑期于無刑今寬貸犯階 一故能東征西伐削平海內為子孫建久大之業至今 歷七名臣奏義 三九

敢 盖國有大疑則决之于衆自上世而然矣臣伏 有 階級之法戒動中外主兵臣僚令 故能下協人心上順天意洪範曰三人占從二人 年光又言濮王典禮劉子曰臣聞聖人舉事與衆同 則所繫乃億兆之命也臣愚欲望陛下特降詔旨申 復振基緒永安 **輙行寬貸曲收衆心者嚴加罪罰以做其餘無幾** 臣議濮安懿王合行典禮翰林學士王珪等二十 卷一百十九 遵祖宗之 見鄉者 制 言 如

年 議無一 カノこうし ノント 議是非臣請更為陛下别白言之政府言儀禮令文 皆已受封贈而崇奉濮王之禮至今獨未施行此衆人 聖聽不顧先王之大典篾棄天下之公議使宗室疏屬 義也而政府之意獨欲尊濮王為皇考巧飾詞說誤感 月物皆云為人後者為其父母即出繼之子於所繼 以佛欝而未為稱愜者也或者恐陛下未能決知二 人皆以為宜准先朝封贈期親尊屬故事凡两次會 人異解所以然者盖欲奉濮王以禮輔陛下以 歷代名臣奏謀 型

金元四庫全書 冒天石以得天下名為中與其實創業雖自立七廟猶 又言漢宣帝光武皆稱其父為皇考臣按宣帝承昭帝 欲言為人後者為其父母之服若不謂之父母不知如 所生皆稱父母臣按禮法必須指事立文使人曉解 祖考以其與昭帝昭穆同故也光武起布衣誅王莽親 何立文此乃政府欺罔天下之人謂其皆不識文理也)後以孫繼祖故尊其父為皇考而不敢尊其祖為皇 過况但稱皇考其謹損甚矣今陛下親為仁宗 卷一百十九 欠三日年上島 传之心欲附會政府誤感陛下者皆稱濮王稱皇考為 言之濮王當稱皇伯又何疑矣今舉朝之臣自非挾 是之時命陛下為皇子則不知謂濮王為父為伯若先 其父祖引以為法則可矣若謂皇考之名亦可施于今 皇考則置仁宗於何地乎政府若以二帝不加尊號於 子以承大業傳曰國無二君家無二尊若復尊濮王為 E 則事理不侔矣設使仁宗尚御天下濮王亦萬福當 在則稱伯沒則稱父臣計陛下必不為此行也以此 歷代名臣奏議 罕 奸

和天人之一事也 金另口匠人言 光為宰相韓琦等議濮安懿王合行典禮状曰伏以出 典下順衆志以禮崇奉濮安懿王如王珪等所議此亦 羣臣誰不知濮王於陛下為天性至親若希旨迎合不 顧禮義過有尊崇豈不於身有利而無患乎所以區區 不可則眾志所欲亦可知矣陛下何不試察羣臣之情 此議者但不欲陛下失四海之心受萬世之譏耳以 觀之羣臣之忠佞邪正甚易見矣臣願陛下上稽古 卷一百十九

荷宗廟社稷之重即位以来仁施澤浹九族既睦萬國 2:10:50 2:45 以隆恩而廣爱展幾上以彰孝治下以厚民風臣等伏 於天性之謂親緣於人情之謂禮雖以義制事因時適 等吞備宰弼實聞國論謂當考古約禮因宜稱情使有 躬承聖統顧以大義後其私恩慎之重之事不輕發臣 伏惟皇帝陛下奮乾之健乗離之明擁天地神靈之休 宜 之散而濮安懿王德盛位隆宜有尊禮陛下受命先帝 而親以主於恩禮不忘其本此古今不易之常道也 歷代名臣奏議 室

金片四月全書 尊服服之為所後者之祖父母妻妻之父母昆弟昆弟 母傳曰何以期也不貳斬也特重于大宗降其小宗 之子若子若子者言皆如親子也又為人後者為其父 請下有司議濮安懿王及熊國太夫人王氏襄國太夫 韓氏仙遊縣君任氏合行典禮詳處其當以時施行 與翰林學士王珪等議濮安懿王典禮状曰臣等 禮喪服為人後者傅曰何以三年也受重者必以 後者為其昆弟傅曰何以大功也為人後者降 卷一百十九 謹

CIJO WELL AI SHIP | | 衰深惟宗廟之重祗承天地之意於宗室衆多之中簡 接立之策或出母后或出臣下非如仁宗皇帝年齡未 不敢引以為聖朝法况前代入繼者多官車晏駕之後 者或推尊父母以為帝后皆見非當時取幾後世臣等 聖人制禮尊無二上若恭愛之心分施於彼則不得專 聖明授以大業陛下親為先帝之子然後繼體承 於此故也是以秦漢以来帝王有自旁支入承大統 歴代名 臣奏議 聖

其昆弟也以此觀之為人後者為之子不敢復顧私親

光有天下漢安懿王雖于陛下有天性之親顧復之恩 否或言朝廷欲追尊濮安懿王為安懿皇審或如此竊 事高官大國極其尊榮熊國太夫人襄國太夫人仙遊 以崇奉濮安懿王典禮宜一准先朝封贈期親尊属故 者皆先帝之德也臣等愚淺不達古今竊以謂今日 然陛下所以負尿端冕富有四海子子孫孫萬世相承 君亦改封大國太夫人考之古今實為宜稱 又論濮安懿王稱安懿皇疏曰臣聞諸道路未知 信 ΡĴΤ

金为四周白書

卷一百十九

心所以歸附陛下者為親爱仁宗之命為之子也今陛 昏主安足以為榮乎仁宗恩澤在人淪於骨髓海内之 哀帝為始其後安帝桓帝靈帝亦為之哀帝追尊其父 用哀帝之法也陛下有堯舜禹湯不以為法而法漢之 定陷恭王為恭皇令若追尊濮安懿王為安懿皇是正 濮王邪前世帝王以旁支入繼追尊其父為皇者自漢 之以熟不敢復煩聖聽今臣不知陛下之意固欲追尊 恐不可陛下既為仁宗後於禮不當顧私親臣先時言 歷七日至奏義

之其於濮王果有何益乎三者無一可而陛下行之臣 下從而聽之臣獨以為過矣臣又聞政府之謀欲託以 竊惑之此盖政府一二臣自以鄉者建議之失已負天 不忘濮王之恩在陛下之中心不在此外飾虚名也孝 安足以為利乎夫生育之思昊天問極誰能忘之陛下 下既得天下乃加尊號于濮王海內聞之孰不解體又 子愛親則祭之以禮今以非禮之虚名加於濮王而祭 下之重為欲文過遂非不顧於陛下之德有所虧損陛 卷一百十九

皇太后手書及不稱考而稱親雖復巧飾百端要之為 願 府之臣祇能自欺安能欺皇天上帝與天下之人乎臣 負先帝之恩虧陛下之義違聖人之禮失四海之心政 年五月光又乞宰臣押班一 陛下急罷此議勿使流聞達於四方則天下幸甚臣 雖不為諫官然鄉日已曾奏聞身備近臣遇國家有 得失不敢不言 7.1.7.1. 日敕文准四日手詔今後宰臣赴文德殿押班 歷弋召至奏義 依舊制疏口臣伏都五 至 自

並 詳定文字更不施行者臣竊見從来垂拱殿視事比 未退止今傅報宰臣更不過令御史臺一面放班 春分後或遇辰牌上秋分後遇辰正牌上垂拱殿視事 則自今以往無事之日宰臣永不赴文德殿押班也臣 依祥符敕命指揮永為定制所有前降下太常禮院 藥曾於辰牌以前駕起入內自餘皆在辰牌以後然 初秋分以後少有不過辰正陛下臨御以来惟近 書樞密院及其餘臣寮奏事畢春分以後少有不過 餘 至 因 Đ

多定匹库全書

卷一百十九

たこり見 揮施行猶庶幾此禮不至遂廢 被常朝則宰臣理當押班斯乃前世之舊規自祖宗以 竊惟文德殿為天子正衙宰臣為百寮師率百察既在 外後遇辰牌上秋分後遇已牌上並依今月四日指 **戴牧令陛下即政之始事非有大利害者恐未** 2.12.10 陛下特降聖旨令宰臣 **所者已降手記必欲限以時刻者即乞自** 歷代名臣奏議 依國朝舊制押 黑